



嘉泰吳興志

ル 5  
2481  
3





門 呂 5  
號 2481  
卷 4-3

吳興志卷十四

宋談鑰撰

郡守題名

郡守題名郡侯自吳置郡歷晉訖陳曰太守閒為王國  
則曰內史自隋至周歷唐至吳越曰刺史宋曰知州事  
繇吳至隋未有題名唐大歷中刺史裴清始撰歷官記  
首於王羲之終於任忠四十四人勒於謝傅碑陰前吳  
後隋缺而靡聞也宋滕宗諒以所編未盡采摭史傳增  
二十七人續圖經又以所書歷官與正史差誤重加是  
正且搜羅遺失得二十四人共九十有五以今攷之年  
代之弗詳事迹之弗著登載尙有缺焉唐刺史題名廣



德中李紆始立自武德以來名氏官秩遷就歲時悉追書之正元中刺史李詞及滕宗諒繼此誌刻訖於吳越納土凡一百三十九人其閒亦有與統記史書所載不同者宗諒又爲宋朝題名自太平興國三年王洞而下其後聯續書刻至劉敏士百二十八人而石窮知州事唐瑒續之至慶元六年又二十九政竊詳古人創題名之意非惟欲著姓氏後先而已有勸善懲惡之善焉必追錄前政搜訪遺闕者非惟欲涉獵務博而已正懼其事迹之湮沒也元結道州刺史廳壁記曰問之耆老前後刺史能恤養貧弱專守法令有徐公履道李公廩徧問諸公善或不及惡有不堪說者故爲此記爲刺史作

戒使題名不作則前人之名皆不可見後人亦無由歷指以問而善惡之迹俱泯矣此古人微意而元公剖判之者也石刻墨本必俟椎搗以張屋壁故併錄以便觀覽自晉以來且以正史諸書參攷年代訂正訛舛備錄事迹善惡畢見疑者闕之其有功德此民者別標載賢守類俾繼是而書者愈加意

晉顧秘記云驃騎將軍榮之族父自交州刺史遷吳興太守續圖經云晉史顧眾傳父秘爲交州刺史卒眾往迎喪值杜弼之亂崎嶇六年乃還秘曾莅吳興過吳興義故共遺眾錢二百萬一無所受則知秘非吳興遷交州也周玘傳石冰略有揚土玘率吳興太守顧秘都



督揚州九郡軍事斬冰所置吳興太守區山惠帝太安  
二年前吳興內史顧秘起義兵以討石冰  
周玘記云字宣佩征西將軍處之子累遷吳興太守  
晉史玘斬錢璿三定江南元帝嘉其勳以爲建威將軍  
吳興太守封烏程縣侯按懷帝光熙三年錢璿反周玘  
率郡人斬璿百姓敬愛事見賢守下

王羲之字逸少司徒導之從子起家祕書郎征西將  
軍累遷吳興太守子獻之續圖經云晉史不載爲守又  
傳云起家祕書郎征西將軍庾亮請爲參軍當是將軍  
下脫參軍二字梁吳均入東記羲之爲守昇烏山事  
王獻之字子敬建威將軍吳興太守續圖經云晉史

不載爲守事恐唐人必有據按晉史傳獻之爲衛將軍  
長史尋除建威將軍吳興太守徵拜中書令南史羊欣  
傳載獻之爲太守吳興書裙數幅事王儉傳宋蒼梧王  
暴虐儉引新安主婿王獻之任吳興爲列補義興太守  
謝萬字萬之伯祖承撰後漢書歷吏部郎爲吳興太  
守兄安姪瑗晉史紀穆帝升平二年八月以吳興太守  
謝萬爲西中郎將豫州刺史

謝安爲吳興太守晉史作征西將軍軍司馬尋除吳  
興太守又烏程縣西四里有謝塘舊圖經云晉太守謝  
安開世說王僧彌謝玄曰汝是吳興谿中釣耳注玄  
叔父安曾爲吳興玄少時從之游故云在官無當時譽



去後為人所思開城西官塘人獲其利號謝公塘頃之  
召拜侍中

謝琰 為吳興太守續圖經云晉史謝琰督吳興義興  
二郡軍事討孫恩非太守也恐別有據琰討恩至義興  
斬賊許允進吳興討王延破之

虞潭 字思奧吳騎都尉翻之孫散騎常侍出為吳興  
內史兄子駿續圖經云晉史潭為吳興太守秩中二千  
石顧眾張闔傳並云吳興內史職官志諸王國以內史  
掌太守之任則吳興必嘗封王太守為內史矣按成帝  
即位潭為太守蘇峻反加督三吳等五都軍事與闔等  
同討峻帝紀咸寧三年五月蘇峻逼遷太子吳興太守

虞潭等起義兵於三吳王舒傳亦作太守

虞駿 駿亦至吳興太守晉史傳字思行歷吳興太守  
世說注歷尚書郎吳興守徵為金紫光祿大夫卒  
陸納 字祖言自吳興太守遷大中正晉史納以尚書  
吏部郎出為吳興太守先至姑孰辭桓温徵拜左氏尚  
書領洲大中正裝止襪被事見賢守下

周鎮 字康特累遷吳興太守

胡嚴 字起祖左遷吳興太守

王胡之 字修靈廩之子自吳興太守遷西中郎將司  
州刺史圖經云晉史靈作齡不載為吳興太守世說有  
王司州至吳興印渚事注別傳云歷吳興太守按世說



云王司州至印渚看歎曰非惟使人情開滌亦覺日月  
清朗注云歷吳興太守吳興記云於潛縣東七十里有  
印渚旁有白石山峻壁四十餘丈印渚蓋眾溪之下流  
也又按晉書沈勁傳勁吳興人少有節操郡將王胡之  
深異之乃遷平北將軍司州刺史上書薦勁續圖經弗  
深考耳  
孔愉字敬康司徒左長史出爲吳興太守封餘不亭  
侯子坦續圖經云晉史累遷吳興太守非自長史出也  
封餘不亭侯亦在爲太守前坦從子也按晉史建興初  
以討華軼功封餘不亭侯後出爲司徒左長史累遷吳  
興太守沈充反棄官還京師拜御史中丞

孔坦字君平官至吳興太守續圖經云晉史坦嘗爲  
吳興內史非太守也按傳愉從兄侃侃卽坦父也蘇峻  
平遷吳興內史封晉安男加建威將軍運米振之事見  
賢守下  
張玄之登之子歷吏部尙書冠軍將軍吳興太守晉  
史謝玄傳爲會稽內史時吳興太守寧晉侯張玄之亦  
以才學顯自吏部尙書與玄同年之郡時人稱南北二  
玄又顏真卿杼山寺碑云晉吳興太守張玄之吳興記  
曰云統記又多載玄之山墟名  
孔廡御史中丞羣之孫自吳興太守遷廷尉卿子琳  
之晉史孔壁傳云嚴叔父也孫廡位至吳興太守廷尉



孔琳之 官至吳興太守遷侍中晉史傳廡子琳之以  
草書擅名又為吳興太守侍中

江灌 彪從弟累遷吳興太守續圖經云晉史江道從  
弟灌自御史中丞轉吳興太守彪統之子與道皆曾祖  
黜當為再從弟道統有傳不必言彪也按傳灌轉吳興  
太守蔑視權貴桓温患之徵拜侍中以在郡時公事有  
誤追過之

謝邈 字茂口太傅安之猶子自侍中出為吳興太守  
晉史傳邈為吳興太守孫恩之亂為賊所執逼令北面  
邈厲聲曰我不得罪天子何北面之有遂害之紀安帝  
隆安三年謝方明隨伯父吳興太守邈在郡孫恩寇會

稽東土響應吳興人胡傑鵠驟破東遷縣方明勸邈避  
之不從被害方明合門遇害數日葬送並畢

孔嚴 字彭祖愉從弟自尚書左丞出為吳興太守晉  
史傳自揚州別駕遷尚書左丞以侯領尚書太和中拜  
吳興太守秩中二千石褒義婦事見賢守下

以上歷官記元二十三人今退王韶之謝述入宋為  
二十一人

袁琇 晉史紀愍帝建興三年吳興人徐馥害太守袁

琇

周札 晉史本傳徐馥平元帝以札為奮武將軍吳興  
內史改封東遷縣侯



周筵 晉史札傳云札兄靖子筵征虜將軍吳興內史  
王坦之 晉史本傳不載爲吳興太守統記據搜神記  
言王坦之爲吳興郡守有竺師與之甚厚論及幽冥事  
曰先死者當以冥務見報歲餘竺師歛至曰貧道已死  
昔之所論一無差誤勉崇利濟言訖而去坦之亦尋卒  
本傳亦載竺師事但言歷徐兗三州刺史若據搜神記  
所言是坦之終於吳興太守 晉書見贊  
顧眾 晉史傳王敦欲以顧眾爲吳興內史眾舉桓彝  
亦遜眾事並不行是未曾授已未知滕公別有何據  
朱序 晉史本傳太和中遷兗州刺史時長城人錢洪  
聚黨百餘人藏匿原鄉山以序爲中軍司馬吳興太守

討擒之事訖還兗州紀孝武寧康二年長城錢步射錢  
洪等作亂吳興太守朱序討平之 晉書見贊  
司馬詢之 晉史西陽王羨之子元孫詢之歷吳興太  
守劉裕伐關中以爲諮議參軍 晉書見贊  
王蘊 晉史本傳蘊起家佐著作郎累遷尙書吏部郎  
補吳興太守有德政屬郡荒人饑輒開倉振恤主簿執  
諫請蘊列表上待報蘊曰今百姓嗷然路有饑饉若表  
上須報何以救將死之命專輒之愆罪在太守於是大  
振貸之賴蘊全者十七八人焉朝廷以違科免蘊官士  
庶詣闕訟之詔特左降晉陵太守 晉書見贊  
孔靜 南史傳字季恭晉熙寧閒累遷吳興太守加冠



軍先是吳興頻喪太守言項羽神爲卞山王居郡聽事  
二千石當避之靜居聽事無害也遷尙書左僕射

以上九人滕宗諒增今添孔靜一人爲十人

江蔚晉史道傳子蔚吳興太守

陶回晉史家傳蘇峻平以功封康樂伯久之遷征虜

將軍吳興太守在郡四年徵拜領軍將軍加散騎常侍

年饑輒開倉救民事見賢守下

車胤晉史本傳隆安初爲吳興太守秩中二千石辭

疾不拜加護國將軍丹陽尹

殷康晉史殷覲傳父康吳興太守括地志曰黃浦亦

名庚浦卽康浦也左右有上康村晉殷康爲太守百姓

避其名改康爲庚統記云開荻塘溉田十餘頃峴山康  
築亭其上名顯亭

續圖經元五人今退張崇之人宋爲四人

沈嘉統記云晉度支尙書吳興太守又重開荻塘更

名吳興塘見荻塘下

何楷括地志云金蓋山何楷居此修儒業楷後爲吳

興太守改金蓋爲何山又顏真卿杼山妙喜寺碑云從

草堂徑行百步至吳興太守何楷釣臺南史何子平傳

祖楷晉侍中唐姓纂云何穀渡江生楷

以上二人今添

右晉大官歷官記及滕守續及續圖經所載共三十



七人王韶之謝述合係宋而孔靜乃係之梁今皆是  
正又添沈嘉何楷二人爲三十七人歷官記始於王  
羲之今按晉史顧祕周玘袁琇周筵周札屬西晉惠  
帝愍懷之際故以爲首而羲之次之餘姑循舊次  
宋褚彥回金記云字彥回起家著作佐郎轉太子舍人  
尙餘姚公主拜駙馬都尉出爲吳興太守累遷驃騎大  
將軍侍中錄尙書事諡文簡續圖經曰南史本傳尙宋  
文帝女南郡獻公主拜駙馬都尉除著作佐郎歷侍中  
領尙書右衛將軍元徽二年出爲吳興前後宜以史爲  
正沈憲爲烏程令太守褚彥回歎美以爲方員可施正  
靈鞠傳褚彥回爲吳興太守謂之曰此郡才士惟有正

靈鞠及沈勃耳乃啟申之年父自時史中歷三數吳興  
謝莊式記云字希逸弘微之孫自散騎常侍出爲吳興  
太守子肅續圖經云南史謝密字弘微子莊非孫也南  
史傳大明中除吳興太守廢帝卽位後爲散騎常侍尋  
加光祿大夫卒日許于旅賦王戲談無復心  
正道護記云卽靈鞠之伯父遲之伯祖黃門侍郎出  
爲吳興太守統記有晉新安太守條陽侯道護舊圖經  
云南郡太守道護未知官記何據等進與吳數載終並  
謝澹記云字景恆父談祖安累遷吳興太守南史本  
傳作父瑤晉歷位尙書宋景平中累遷光祿大夫元嘉  
中位侍中特進卒不載爲吳興太守事與太守人宋



王韶之 記云字體泰羨之之孫歷吳興太守入宋至  
門下侍郎續圖經云南史傳晉恭帝時遷黃門侍郎宋  
文帝時免給事中後爲吳興太守卒是爲黃門侍郎在  
晉末爲吳興太守在宋文帝時也孝義傳吳達潘綜並  
吳興人太守王韶之擢達補功曹史不就又發教列上  
綜行於州臺又王道迄烏程人涉學善書形貌又美太  
守王韶之謂人曰有子弟如王道迄無所少

謝述 記云字景光宣城太守眺之祖累遷吳興太守  
南史述宋元嘉二年拜中書侍郎歷南郡太守司徒左  
長史左衛將軍卒於吳興太守不當列晉  
王僧慶 記云太守尉儉季父自御史中丞三遷吳興

太守續圖經云南史本傳宋泰始中爲吳興太守列於  
齊誤矣

沈文季 記云字仲遠慶之之子司空吳興太守續圖  
經云南史本傳元徽初自祕書監出爲吳興太守飲酒  
至五斗妻王氏飲亦至三斗常對飲竟日而視事不廢  
昇明元年沈攸之反齊高帝加文季冠軍將軍督吳興  
錢塘軍事

以上元記五人王韶之謝廷元在晉王僧慶沈文季  
元在齊今添入四人退謝朓一人入齊爲八人

張崇之 續圖經云無傳載南史孝義傳吳達吳興人  
太守張崇之三加禮命太守王韶之擢補功曹史固辭



不就吳達事出宋略

劉延孫 南史紀宋孝武帝孝建元年以吳興太守劉

延孫為尚書右僕射

王曇生 南史紀宋明帝泰始二年吳興太守王曇生

王弘之傳子曇生孝武末為吳興太守又孔覲傳吳郡

太守顧琛同吳興太守王曇生起兵

張永 南史紀明帝泰始二年吳興太守張永平晉陵

鄧琬傳琬同吳興太守王曇生等起兵明帝遣王玄謨

領水軍南討吳興太守張永為繼隱逸傳張永為吳興

請沈麟士入郡

蕭慧明 南史傳作惠明思話子也有時譽宋明帝泰

始初為吳興太守郡界有卞山山下有項羽廟相承項

羽多居郡廳事前後太守不敢上慧明謂綱紀曰孔季

恭嘗設宴席未聞有災遂設筵榻接賓數日後見有一

人長丈餘張弓挾矢向慧明既而不見旬日卒

以上三人失載并張崇之元在晉蕭慧明元在齊今

添入共五人

顧琛 南史傳元凶劭弒立以琛為會稽太守隋王誕

起義事平遷吳興太守孝武時仍為吳興太守坐郡人

多翦錢及盜鑄免官

張岱 南史傳宋明帝泰始末為吳興太守齊武帝即

位復為太守岱晚節至吳興更以寬恕著遷南兗州刺



史卒  
殷沖 南史張岱傳岱為東遷令時殷沖為吳興太守  
謂人曰張東遷親貧須養所以棲遲下邑然名器方顯  
終當大任

以上三人續圖經

袁思道 統記云符瑞圖宋元嘉十年烏程縣有白龜  
見吳興太守袁思道表進之  
孔山士 南史隱逸傳沈麟士吳興人宋時太守孔山  
士辟不應

沈道思 德清紫極觀梁大同七年東宮直沈文沖表  
祖宋吳興太守道思少好玄默以故宅捨為觀見統記

及舊編

以上三人今添

蕭綽右宋太守據三書所載元共十一人張崇之王韶  
思道之述載在晉王僧慶沈文季載在齊蕭慧明載在  
梁並係宋時今竝添入又增孔山士袁思道三人  
答曰退謝朓一人入齊為十七人  
齊袁洵 晉記云即粲伯父累遷吳興太守南史洵為吳  
郡太守見袁湛傳二者必有一誤或別有證  
謝朓 記云官至吳興太守南史傳永明中為吳興太  
守明帝謀入嗣位朓避事居郡不理常務聚斂眾頗詆  
之亦不屑也孝武初朓為吳興以雞卵賦入收雞數千



及遜節不全爲清談所少周興嗣傳齊隆昌中侍中謝  
朏爲吳興太守唯與興嗣談文史而已罷郡大相談薦  
袁昂 南史傳齊永元末爲吳興太守梁武帝起兵州  
郡望風皆降昂獨拒境見賢守下故臨終嘗曰往忝吳  
興屬在昏明之際不識天命甘貽戮辱帝手書諭之昂  
答曰偏隅一郡何能爲役建康平昂舉哀慟哭時帝使  
豫州刺史李元履巡撫東土敕曰袁昂道素之門世有  
忠節天下須共容之勿以兵威陵辱元履至宣旨昂不  
請降開門撤備而已

以上歷官記所載元五人王僧慶沈文季合在宋  
王騫合在梁卻添謝朏今三人

蕭惠休 南史傳作慧休惠明弟也齊東昏侯永元元  
年徙吳興太守徵爲尚書右僕射吳興郡項羽神舊酷  
烈人云慧休事神謹故得東遷二年遷至平望帝命服  
藥卒  
何戢 南史傳戢爲吏部尚書加驍騎將軍出爲吳興  
郡守統記云何戢吳興太守好書畫精巧列於伎藝本  
傳云上頗好書畫一日嘗賜戢蟬雀扇顧景秀所畫時  
陸探微顧彥先歎其巧絕獻之非戢畫也  
以上二人滕續  
張環 南史傳齊高帝建元元年改封平都侯及爲吳  
興太守以既有國秩不取郡俸高帝敕上庫別藏其俸



以表其清

袁象 南史傳仕齊爲冠軍將軍監吳興郡事彖性剛

固忤武帝到郡坐過用祿錢免官往東治後爲侍中

李安人 南史傳齊武帝時爲尚書左僕射以老疾求

退爲吳興太守於家載米往郡人服其清吳興有項羽

神護郡廳事必須祀以輒下牛安人奉佛法不與神牛

著屐上廳事又於廳上入閣齋俄而牛死葬廟側今呼

爲李公牛芻安人尋卒亦以神爲崇

徐孝嗣 南史謝覽傳云東海徐孝嗣以御史中丞出

爲吳興太守王儉贈詩曰方軌叔度追清彥輔柔亦不

茹剛亦不吐時人以此蔡子尼在郡有能名

王敬則 南史傳齊建元二年爲吳興太守郡多標掠

有十數小兒於路取遺物敬則殺之以徇人錄得一偷

召其親屬於前鞭之令偷身長埽街路久之乃命偷舉

舊偷自代諸偷恐爲所識皆逃走境內以清其初入烏

程從市過見屠肉枿歎曰吳興昔無此枿是我少時在

此故也召故人飲酒說平生不以爲屑也

敬則少時屠狗商販徧於

吳

孔琇之 南史傳靖之孫靈運子齊武帝時爲監郡尋

拜太守政稱清嚴孝義傳王文殊吳興人至孝太守孔

琇之表其行鬱林王詔改所居爲孝行里

王瑩 南史傳歷東陽太守以居郡有惠政遷吳興太



守齊明帝憂勤庶政瑩頻處二郡皆有能名遷中令領  
軍嘗曰我昔從東度爲吳興東有登岸  
王秀之南史傳爲輔國將軍吳興太守祖父敬弘性  
剛正致仕隱吳興秀之先爲諸王長史無復仕進意止  
營治舍亭山宅爲終焉之計及除吳興隱業所在心願  
爲之到郡守舊山移置輜重

以上九人又續退張嶮在梁今八人  
楊文崇統記祥應圖云齊永明元年吳興武康沈崇  
家有石榴連理太守楊文崇奏聞  
右齊太守三書所載元十七人退王僧虔沈文季  
入宋王騫張嶮入梁卻添入謝朓又今添楊文崇

一人合爲十五人

梁謝瀹記云爲吳興太守子覽傳云初齊明帝及瀹  
東海徐孝嗣並爲吳興號爲名守孝義傳王文殊吳興  
人有孝行太守謝瀹聘爲功曹不就  
謝覽記云爲吳興太守南史傳天監中拜吏部尙書  
出爲吳興太守王峻傳常與覽約官至侍中不復謀進  
覽自吏部尙書出爲吳興郡守心不畏強禦亦由處俗  
情薄故也在梁爲太守時中書舍人王睦之家居烏程  
子弟專橫前太守皆折節事之覽未到郡睦之弟迎覽  
覽逐去其船杖吏爲通者自是睦之家杜門不出郡境  
多劫盜爲東道患覽下車肅然齊明帝及覽父瀹徐孝



嗣皆號吳興名守感皆過之感昔在新安頗聚斂至是  
遂稱廉潔時人方之王述曰景仲之子爲吳興太  
柳惲記云字文暢司空忠武公彥緒之子爲吳興太  
守南史傳天監中再爲太守爲政清靜人吏懷之於郡  
感疾自陳解任父老千餘人拜表陳情吳興太守  
沈崇僚吳興人至孝天監二年太守柳惲辟爲主簿  
見孝傳吳興太守  
元仲景記云累遷吳興太守詩眼云阮景仲爲吳興  
太守禁夜半鐘姓名不同當攷太守  
蕭映記云臨汝侯吳興太守南史本傳普通三年爲  
吳興太守郡累不稔太通三年野穀生武康凡二十二

處自此豐穰映製嘉穀頌以聞中詔稱美陳紀武帝爲  
新喻侯蕭映傳教及映爲吳興太守甚重帝謂僚佐曰  
此人將來遠大必勝於我統記云蕭映爲吳興太守烏  
程縣界有旅稻生映獻嘉穀頌太守  
張僧繇記云右將軍吳興太守統記云吳興太守畫  
白塔寺彌勒佛菩薩像世稱奇妙唐名畫錄梁張僧繇  
天監中歷右軍將軍吳興太守武帝崇飾佛寺多命畫  
之南史梁武帝天監三年以吳興太守張僧繇  
王騫記云宋駙馬都尉儉之子累遷吳興太守續圖  
經云南史齊永元末爲侍中梁武帝受禪出爲吳興太  
守宜列於梁南史齊永元末爲侍中梁武帝受禪出爲吳興太



歷官記云元六人添入王騫共七人

信都遵 南史陳紀侯景之亂避地臨安及武帝舉兵

累遷吳興太守信都遵收文帝及衡山王

張稷 南史梁紀武帝天監三年以吳興太守張稷爲

尚書左僕射傳政稱寬恕事見賢守下

蔡樽 梁時爲太守在官惟飲郡井齋前自種紫茄白

莫以爲常餌詔褒其清加信武將軍天監元年宣城郡

吏吳承伯挾妖道聚眾攻宣城殺太守轉寇吳興吏人

並請避之樽堅守不動命眾出戰破斬承伯餘黨悉平

累遷吏部尚書

蕭獻 南史傳臨汝侯猷梁長沙王懿子也爲吳興郡

守性倜儻與楚王布交見項王廟下

裴之橫 南史梁紀元年承聖二年齊軍攻合肥徵吳

興太守裴之橫帥眾繼侯瑱據東關四年齊遣高渙送

蕭明來主梁嗣至東關遣吳興太守裴之橫拒之又見

王僧辯傳云破武陵王還除吳興太守作百幅被初兄

之高以其縱誕爲狹被蔬食以厲之歎曰大丈夫富貴

必作百幅被今成其志

蕭琛 南史傳琛惠明從子也天監中爲吳興太守郡

有項王於廳事安神坐琛遷之廟見郡治廳事下

文皇帝禱 南史章昭達傳侯景平文帝爲吳興太守

駱文牙傳陳文帝爲吳興太守引文牙爲將帥韓子高



傳隋文帝出守吳興子高寄載華皎傳文帝爲吳興太守以皎爲都錄事庾持傳文帝爲吳興太守以爲郡丞兼掌書翰

滕續元八人退孔晉入晉蕭慧明入宋添陳文皇帝舊共七人

徐度南史傳陳武帝時以功除郢州刺史兼領吳興太守文帝卽位累遷侍中  
張纘字伯緒南史陸雲傳爲湘東王繹參軍先製泰伯廟碑吳興太守張纘罷郡經途讀其文歎曰今之蔡伯喈也本傳大通中爲吳興太守居郡省煩苛務清靜人吏便之大同三年召爲吏部尙書

夏侯直南史傳字世龍天監中遷吳興太守在郡有

惠政吏人圖其像立碑頌美

張嶷梁時爲太守侯景圍建業遣弟伊率郡兵赴援城陷御史中丞沈浚違難東歸嶷往見之謂曰賊臣憑陵人臣效命之日今欲收集兵刃保據貴鄉雖復萬死誠亦無恨浚固勸嶷舉義時邵陵王綸東奔至錢塘聞之遣陸亘公版授嶷征東將軍嶷曰天子蒙塵今日何情復受榮號留版而已賊行臺劉神茂攻破義興遣使說嶷嶷斬其使仍遣軍破神茂景復遣神茂擊嶷嶷軍敗乃釋戎服坐於廳事賊臨以刃終不屈執以送景景將舍之嶷曰速死爲幸遂與子孫同遇害者十人景欲



存其一子嶮曰吾一門已在鬼錄不就爾處求恩於是皆死賊平元帝追贈侍中謚忠正南史傳簡文時為吳興太守卒蕭子顯南史傳昂之孫紹泰中歷吏部尚書吳興太守袁樞南史傳昂之孫紹泰中歷吏部尚書吳興太守陳永定中徵為侍中東洲軍雜曰天子禁風今日回衡陽王昌南史本傳陳武帝第六子梁太清末武帝南征李賁命昌與宣后隨沈恪還吳興後為侯景所困景平拜長城國世子吳興太守年十六雅性聰辯明習政事武帝遣謝哲蔡景歷輔之臨郡蔡景歷傳衡陽王昌為吳興太守武帝以鄉里父老尊卑有數恐昌年少接待乖禮乃遣景歷輔之天監中載吳興太守

孫廉 循吏附傳天監初事貴要得為列卿晉陵吳興太守然處官平直武帝嘗曰東莞二縣孫謙廉而已又見文學傳孫抱東免人父康吳興太守南史梁紀敬帝紹泰元年十月震州刺史杜龕舉兵攻陳禱於長城明年為太平元年正月震州刺史杜龕降詔賜死故吳興郡本傳魏平江陵後齊納貞陽侯明以紹梁嗣以龕為震州刺史吳興太守遷南豫州刺史加鎮南大將軍龕王僧辯壻也以陳武帝非素貴以法繩其宗門無所縱捨武帝銜之切齒及僧辯敗龕乃據吳興以拒之須敗陳武帝軍部將杜泰說之降其妻復募兵敗文帝軍後杜泰降文帝遣人負出項王寺



前斬之

周敏 梁陳故事云吳興記云太守周敏大開學校勸人種桑與麥百姓賴之除國子博士見統記

齊明帝蕭鸞 南史謝覽傳初齊明帝爲吳興號名守

江祜傳齊明帝爲吳興以祜爲郡丞

王彬 南史循吏何遠傳梁武帝命遠爲武康令太守

王彬屬縣事見武康

右梁太守三書所載元共十九人退孔靜入晉蕭慧

明入宋添王騫陳文帝禧二人今又添衡陽王昌等

六人爲二十五人

陳錢道戢 記云散騎常侍右衛將軍駙馬都尉尚晉

陵長公主永安侯出爲吳興太守下有十二字云唐高僧終南山沙門釋通宣祖續圖經云謝公碣元置孝義寺此十二字何須太守官闕必寺僧所增南史本傳妻陳武帝從妹後拜東徐州刺史封永嘉縣侯天嘉元年爲臨海太守後拜衡州刺史郢州刺史卒不載爲吳興太守

徐綜 記云唐黃門侍郎堅之曾祖稜威將軍駙馬都

尉尚永嘉公主出爲吳興太守

沈君理 南史傳吳興人陳武帝時爲吳興郡太守文

帝嗣位累遷左戶部尚書無爲吳興太守二處必有一

誤記云吳興太守累遷吏部尚書



周文育 記云自吳興太守累遷司空開府儀同三司  
子碧孫寶安南史本傳梁元帝授文育義州刺史累遷  
散騎常侍廣州平授開府卒贈侍中司空與所記不同  
子寶安傳云文育為王琳所繫及歸復除吳興太守  
周詔 記云官至吳興太守南史周文育傳云子寶安  
與歷官記所載大異

周寶安 記云官至吳興太守南史本傳寶安文育之  
子而記云子碧孫寶安未知何據又云文育歸復除吳  
興太守文帝天嘉二年寶安重拜吳興太守襲封壽昌  
縣公後除給事黃門郎衛尉卿卒  
任忠 記云累遷吳興太守南史陳紀後主禎明二年

使命軍任忠出守吳興郡以襟帶東陽州吳州本傳後  
主嗣位出為吳興內史及隋兵濟江自吳興入赴屯軍  
朱雀門

以上七人歷官記  
陳伯禮 記云武陵王世子之從子出為本州太守續  
圖經云歷官記序云自王逸少暨任忠今刻伯禮於左  
疑後人所增南史本傳陳文帝第十子大建初為吳興  
太守在郡恣行暴掠為有司所劾十一年被代徵還  
吳明徹 南史本傳天嘉五年遷吳興太守引辭之郡  
文帝謂曰吳興雖郡帝鄉之重故以相授廢帝即位遷  
丹陽尹



滕續元二人退陳文皇帝構一人

胡穎 南史傳隨周文育於吳興討杜龕陳天嘉元年

除散騎常侍吳興太守卒官 平數吳興太守海濱文滌

徐敬成 南史傳大建五年除吳興太守隨吳明徹北

討 人退陳南史本傳文帝策十年大建五年吳興

杜稜 南史本傳陳廢帝時位特進侍中大建元年出為

吳興太守二年召為侍中 文帝策十年大建五年吳興

沈恪 南史本傳杜龕平文帝襲張彪以恪監吳興郡

武帝受禪恪自吳興入朝踐阼除吳興太守永定三年

除散騎常侍 吳興人昇平末太守王奐

王奐 南史隱逸傳沈麟士吳興人昇平末太守王奐

表薦之召不就

沈欽 南史陳紀天康元年廢帝即位以吳興太守沈

欽為尚書右僕射 平自京潛復申數謝陳史

右陳太守三書所載元十五人退陳文帝構添沈欽

仍舊十五人 平自京潛復申數謝陳史

隋李德林 隋書本傳隋初為內史令開皇十年出為

湖州刺史按紀九年平陳 平自京潛復申數謝陳史

沈法興 唐書本傳隋大業末為吳興郡守東陽賊樓

世幹略其郡煬帝詔法興與元祐討之顏真卿石柱題

亦云隋吳興太守沈法興統記云大業十四年吳興太

守沈法興討東陽賊樓世幹按隋紀大業十三年十一



言志十四  
月改元義寧大業十四年即義寧五年也十三年十一月  
右隋太守滕續一人今添一人共二人四年吳興水  
唐孟宣文武德二年自陳州刺史授後遷涇州刺史  
見唐刺史題名不同前大業末吳興水東國賊  
雲洪嗣武德七年自右庶子授遷鄭州刺史  
韓世恭正觀五年自金吾將軍授遷衛尉少卿出獄  
徐瑩正觀十一年自括州刺史授統記云遷刑州刺史  
所載刺史自此始  
竇懷恪正觀十七年自戶部郎中授遷揚州刺史  
劉守敬正觀二十一年自洛州刺史授遷太常少卿  
統記云聖歷二年授

陳蹇之 永徽元年自陳州司馬授免官統記云大足元  
年授  
于敏直 永徽五年自宋州別駕授遷德州刺史  
賀蘭爽 永徽九年自右衛中郎授遷羽林將軍統記  
自徐瑩後六政云則天時  
衛弘敏 顯慶元年自豫州刺史授遷右清道府率統  
記云神龍二年汝州刺史授  
韋璋 顯慶五年自少府監授卒官統記云神龍三年  
自博州刺史授  
武太中 弘道二年自海州刺史授卒官統記云以上  
三政中宗時



鄭休還 垂拱元年自金州刺史授遷越州都督統記

云景雲元年太常少卿授遷滑州刺史

趙謹徽 長壽二年自洪州都督授統記云景雲二年

自泉州刺史授遷太子賓客到任

馬建 證聖元年自袁州刺史授遷邛州刺史統記云

太極元年以上三政睿宗時

崔城 萬歲通天元年自登州刺史授遷州刺史統

記云開元元年

張洽 大足元年自濮州刺史授遷魏州刺史統記云

開元三年

侯莫陳涉 神龍二年自睦州刺史授遷商州刺史統

記云開元九年

朱審慶 太極元年自虔州刺史授遷洪州刺史江南

道采訪使統記云開元六年在侯莫前

蔣挺 開元五年自國子司業授選申王府長史統記

云十二年

徐元之 開元七年自諫議大夫授改邠王府長史統

記云十五年

鄭繇 開元九年自陳州刺史授遷博州刺史統記云

十七年

徐嶠之 開元十三年自吉州刺史授遷洛州刺史統

記闕唐史徐浩傳父嶠之不載為守事



皇再從兄新開元十六年自國子司業授遷金吾大將軍統記云二十二年自諫議大夫授遷右領軍衛將軍韋明敷開元十八年自右清道府率授遷趙州刺史統記云二十四年自朔州刺史授遷陳州刺史統記云張景遵開元二十一年自夔州刺史授改清道府率統記云二十七年自登州刺史授不之任遷洪州刺史充江西采訪使統記云二十九年鄧武遷開元二十九年自蘄州刺史授卒官吳從眾開元二十八年自蘄州刺史授遷密州刺史充党項使統記云天寶三年自鄭州刺史授遷安化郡

太守卽密州刺史也

陳思應天寶元年自柳州刺史授不之任統記云四年

閻知言天寶二年自括州刺史授致仕統記云五年周擇從天寶五年自饒州刺史授改洪州刺史統記

云六年遷宣州刺史統記云七年

李峒天寶十年自壽州刺史授改授陳王府長史統記云十三年以上十八政元宗時

韋景光天寶十二年自衛將軍授免官統記缺



豆盧陳麟 天寶十四年自華州刺史授遷虔州刺史  
統記云至德二年入朝  
崔巽 天寶十五年自蘇州刺史授遷右衛將軍統記  
云乾元元年  
楊慧金至德元年自奉元縣令授免官統記云乾元二  
年遷杭州刺史慧一作惠  
崔論 上元元年自蜀州刺史授遷試大府卿兼御史  
大夫淮南節度行軍司馬統記云自饒州刺史授以上  
四政肅宗時  
獨孤問俗 上元三年自明州刺史授遷祕書監檢校  
揚州大都督司馬統記云寶應二年

盧幼年 寶應二年自杭州刺史授遷大理少卿統記  
云永泰元年

杜位 乾元元年自江寧少尹拜卒官統記云大歷四  
年

蕭定 永泰二年自信州刺史授遷宋州刺史統記云  
蕭定大歷六年宋州刺史授遷蘇州袁潤等六州刺史  
大歷中有司差天下刺史治最定與常州蕭復濠州張  
鎰爲第一

裴清 大歷二年自宿州刺史授除鄂州刺史統記云  
六年選兵部郎中  
顏真卿 唐大歷七年自撫州刺史授遷刑部尙書統



記云八年唐史傳云遷撫湖二州刺史元載誅楊瑄薦之擢吏部尚書大歷中為刺史招致名儒高客七十餘人相與攷郡書或韻海鏡源五百卷又書其伯祖元孫所著干祿字書撰於生池碑及其他石刻公即在郡累年德政治於千里邦人仰其忠烈今奉祠焉  
樊系 大歷十二年自諫議大夫授遷濠州刺史統記云十年  
第五琦 建中元年自饒州刺史授遷太子賓客史傳云坐與朝恩善貶括州刺史徙饒湖二州復為太子賓客統記云大歷十三年

王密 建中三年自明州刺史授遷越州都督充浙東

西團練副使統記云大歷十四年

王沔 建中五年自檢校工部郎中兼侍御史授遷宣州觀察使統記云大歷十五年遷宣州刺史以上十政

代宗時

袁高 正元二年自韶州長史員外置同正員授遷給事中統記云袁高建中二年

楊頊 正元四年自濮州刺史授遷國子祭酒統記云

興元元年二政德宗時

龐訥 正元七年自倉部郎中授遷絳州刺史統記作

三年

于頔 正元八年自駕部郎中授遷蘇州刺史史傳自



言元一四  
駕部郎中出為湖州刺史郡有湖陂異時溉田三千頃  
以濟人久淤廢頓行縣命修復隄闕歲獲秔稻蒲魚無  
慮萬計州地庫薄葬者不掩柩頓為坎瘞枯骨千餘人  
賴以安未幾改蘇州統記作五年

劉全白正元十年自池州刺史授遷祕書監致仕統  
記作七年

王浦正元十一年自建州刺史授卒官統記作十年

李錡正元十三年四月自杭州刺史授遷本道觀察  
使統記作十二年本傳德宗時為杭湖二州刺史居三

載遷潤州刺史浙西觀察使統記作十二年本傳德宗時為杭湖二州刺史居三  
李詞正元十六年自萬年縣令授遷光祿少卿統記

作十四年

田敦正元十八年五月自衢州刺史授遷常州刺史  
統記作十六年

顧防正元元年四月自澧州刺史授除常州刺史統  
記作正元二十年以上八政順宗時

姚駟元和元年四月自處州刺史授卒官統記作姚  
駟

辛秘元和二年正月自兵部員外郎授史傳為兵部  
員外郎憲宗初拜湖州刺史討李錡平賜金紫召為河

東司馬留主務李錡反遣將先取支郡蘇常杭睦四刺  
史或戰敗或拘脇秘召將止知二夜開城收壯士得數



百逆賊大戰斬其將進焚營堡錡平遣宣慰使齎詔至賜金紫刻詔於石又有時元佐紀銘其功

范傳正 元和四年八月自歙州刺史拜六年二月十

一日遷蘇州刺史史傳歷歙湖蘇三州刺史

裴汶 元和六年自澧州刺史授八年十一月除常州

刺史

辭戎 元和八年十一月三十日自衢州刺史授遷常

州刺史史傳云河南令累遷浙東觀察使而不載為守

事

李應 元和十一年八月十五日自戶部郎中授遷蘇

州刺史

寶楚 元和十五年三月二十二日自刑部郎中拜遷

尚書右司郎中統記云以上七政憲宗時

錢徽 長慶元年十二月十五日自江州刺史拜遷尚

書工部郎中史傳憲宗時禮部侍郎貶江州刺史轉湖

州還遷工部侍郎

張仕偕 長慶三年三月六日自司封郎中拜卒官

崔元亮 長慶三年十一月二十二日自刑部郎中拜

遷祕書少監分司東都唐書元和初遷密歙二州刺史

歷湖曹二州辭曹不拜統記云以上三政穆宗時

獨孤邁 寶歷二年九月十三日自歙州刺史拜後貶

康州統記云一政敬宗時

自



韓泰 太和元年七月三日自睦州刺史拜遷常州刺

史 李德修 太和四年五月十日自淮南節度行軍司馬

授後遷楚州刺史

韋珩 太和五年四月自江州刺史拜未視事卒

庾威 太和五年四月自長安縣令拜貶吉州刺史

敬昕 太和七年自婺州刺史拜除吏部郎中續加檢

校本官依前湖州刺史後除常州

裴充 太和元年八月自大理少卿拜卒官

楊漢公 開成三年三月二十自舒州刺史拜遷亳州

刺史充本道團練鎮遏使統記云以上七政文宗時

張文規 大會昌元年七月十五日自安州刺史授遷國

子司業

李宗閔 會昌三年五月十日自東都分司太子賓客

授尋貶漳州刺史續貶漳州長史史傳開成中為太子

賓客分司東都會昌中拜湖州刺史尋貶漳州長史

姚勗 會昌三年六月二十九日自尚書左司郎中授

後遷吏部郎中唐傳姚崇曾孫勗累遷諫議大夫湖州

刺史

辭褒 會昌六年八月十日自安州刺史拜卒官以上

四政武宗時

令狐綯 大中元年三月二十一日自右司郎中授二



言十四  
年四月二日除翰林學士十日拜相史傳以右司郎中  
出爲湖州刺史宣宗問人令狐楚有子乎白敏中曰絢  
今守湖州其爲人宰相器也召爲考功郎中知制誥入  
翰林爲學士

蘇特 大中二年五月自陳州刺史拜除鄭州刺史

杜牧 大中四年十一月自大理少卿授遷中書舍人

史傳自吏部員外郎乞爲湖州刺史踰年以考功郎中

知制誥遷中書舍人唐大中爲刺史遺愛塞路公退之

餘登臨賦詠碧瀾銷暑俱有留題

郭勤 大中五年九月自司勳郎中拜河南少尹

鄭顥 大中七年九月自舒州刺史授除太僕少卿

崔準 大中十一年四月自刑部郎中拜除給事中

蕭峴 大中十二年十一月自戶部郎中授除東都留

後卒官以上七政宣宗時

鄭彥弘 咸通三年自司勳郎中授遷右司郎中

崔芻官 咸通三年二月自吏部郎中拜卒官統記云

戶部

源重 咸通三年九月自司勳員外郎授除絳州刺史

高湜 咸通五年十二月自司勳員外郎拜禮部郎中

史館修撰統記作遷刑部

趙濛 咸通八年二月自司勳員外郎拜遷駕部員外

郎統記云遷職方



李超 咸通十一年八月自楚州都團練使授除諫議大夫

裴德符 咸通十二年七月自絳州刺史授遷太常少

卿

張搏 咸通十三年七月自中大夫拜除蘇州刺史統

記云比部郎中授遷廬州刺史

劉植 乾符元年七月二十七日自左司郎中授除當

道副使統記云咸通十五年自兵部員外郎授遷兵部

郎中以上九政懿宗時

鄭仁規 乾符四年二月十三日自司封郎中授除襄

州節度副使統記云三年自考功員外郎授選考功郎

中

杜孺林 乾符六年自戶部郎中授選司勳郎中中和

三年再授後遷給事中統記作五年工部授

王鸞 中和二年正月自刑部郎中授統記云司勳

孫儲 中和五年正月一日自工部郎中授除左散騎

常侍統記作中和四年權給事中授

李師悅 光啟元年八月自工部尙書授累加檢校太

保忠國軍節度使薨於郡治統記云光啟元年八月工

部尙書授文德元年加檢校右僕射龍紀元年加檢校

司空大順二年加特進三年加檢校司徒賜德政碑景

福二年加防禦使乾寧三年正月加太保五月加忠國



將軍節度使七月薨載刺史止此  
李彥徽前綿州刺史起復繼父位權兵馬留後因災  
變爲眾所逐

高彥 乾寧四年十月授招討使明年授刺史卒官

高澧 天祐四年十二月起復襲父位權知軍州事出  
城與淮南兵私會爲裨將所逐

右唐刺史據廳壁題名一百十九人統記始於李瑩  
終李師悅內又不載徐嶠之韋景先計九十七人竊  
詳題名本於唐廣德中所載必不苟合竝登載特以  
錢鏐以後係吳越錢氏所授天祐四年唐已禪於梁  
不當附唐後今合爲一百五人

歷代賢守舊圖經諸書多載竊考六朝之間事之可紀  
者史不輟書唐三百年人且踰百其賢乃寥寥罕聞蓋  
六朝都建業吳興爲便郡其所授者非名賢卽貴戚也  
有治迹者史筆必載唐都長安是郡特海隅一陋邦爾  
以題名參之唐史十無其一有名氏者亦略其所授載  
除授遷改者又略其歲月設有事迹史官往往不暇載  
也然郡侯有不鄙虐其民而爲之興利禦災者或別有  
他書亦不可掩也  
吳越錢鏐 天祐七年旣逐高澧錢鏐至州安撫以鏐  
爲刺史後叛入淮南五代史吳越世家乾化元年鏐弟  
鏐居湖州擅殺將潘長懼罪奔於淮南又按唐天祐四



年遜於梁梁太祖改元開平天祐七年當梁開平四年  
錢璟 天祐八年自婺州刺史攝刺史九年正授十七  
年授寧國軍節度使五代史天祐八年當梁乾化元年  
錢元球 天祐十九年四月自明州刺史授後歸印綬  
於杭州五代史天祐十九年當梁龍德二年  
錢元瑾 天成元年四月自指揮使檢校司徒授卒官  
五代史後唐改天祐爲同光元年當梁龍德三年梁亡  
同光四年改天成元年  
錢仁捷 天成二年六月二十六日自檢校授太保授  
後加防禦使罷任  
劉仁圯 長興二年九月自內衛指揮使授五代史

以長興三年卒子元瑾立以上六人係鏐時  
鮑君福 清泰元年八月自鎮海軍節度使副授後遷  
右丞相兼侍中歸杭州  
沈韜文 晉天福五年十一月自檢校太保授五代史  
唐潞王清泰三年滅晉高祖改元天福元瑾以天福六  
年卒子佐立以上二人係元瑾時  
許彥 天福六年十一月自內衛指揮使授  
胡進思 開運三年二月檢校太尉授刺史以判官孫  
諤知州事進思本高澧裨將止居杭州  
吳仁德 開運三年二月檢校太尉授刺史以疾免  
錢僊 開運三年十二月二十一日檢校大尉授刺史



後加宣德軍節度使卒官五代史佐以開運四年卒弟  
俶立以上四人係佐時

錢昭晏 偁之子宋乾德四年起復襲父位

錢信 偁之弟開寶三年自武勝軍節度使授太平興  
國三年納土以上二人係俶時續圖經云自錢鏐以下  
十四人皆錢氏自除授而同姓八人亦足見當時之政  
也

右吳越時刺史十四人據唐紀哀帝改元天祐四年  
遜位於梁五代史梁太祖改元開平李克用及存勗  
皆仍唐年號至十九年次年方改元同光國號唐二  
年滅梁又二年改天成故題名並不書梁年號以天

祐按天成所謂天祐七年梁開平四年也錢鏐以乾  
寧二年爲鎮海東軍節度使以越州爲東府還治錢  
塘始有二浙然刺史尙唐授也至天祐七年始以鏐  
爲刺史是時唐亡已三年矣自後至歸朝刺史皆錢  
氏自授今故自鏐以下別之爲吳越或曰唐雖亡而  
克用存勗仍唐年號至梁亡以接後唐之天成長興  
清泰皆唐也刺史附之唐可也固也天福爲晉開運  
爲漢而乾德爲宋朝矣亦附之唐可乎況鏐受梁封  
爲吳越王後又自爲吳越國刺史之書不訖於周而  
訖於錢氏之納土則別之爲吳越宜也

宋王洞 將作監丞太平興國三年七月視事六年六



月罷  
梁辰右補闕太平興國三年三月視事次日抽赴闕  
潘慎修贊善大夫太平興國六年六月視事九年十  
二月罷  
鄭建祠部員外郎雍熙三年十月視事端拱九年九  
月罷  
張隱水部員外郎端拱九年九月視事淳化二年正  
月卒於部署  
衛瀆祠部員外郎淳化二年四月視事是年九月罷  
樂和左正言淳化三年三月視事是年四月罷  
李韶殿中侍御史淳化三年六月視事五年七月罷

謝泌金部員外郎淳化五年十月視事至道三年六  
月罷  
周師望屯田員外郎至道五年六月視事咸平二年  
六月罷  
李範都官郎中咸平二年七月視事五年六月罷  
杜惟一水部郎中咸平五年六月視事景德二年四  
月罷  
高貽慶侍御史景德二年四月視事四年十二月改  
荆湖轉運使  
蘇爲都官員外郎大中祥符元年二月視事二年八  
月罷



刁衍 刑部郎中直祕閣大中祥符二年八月視事五  
年正月罷  
王膺 水部員外郎大中祥符五年正月視事九年八  
月罷  
李餗 殿中侍御史大中祥符九年十二月視事天禧  
二年九月罷  
鄭天益 都官員外郎天禧二年十一月視事五年正  
月就差廣西轉運使  
王文震 考功員外郎天禧五年三月到天聖元年九  
月罷  
高謹 交金職方員外郎天聖元年九月視事三年五月

罷  
于度 太常博士直集賢院天聖二年五月視事五年  
十月罷  
王冕 都官員外郎天聖五年十月視事七年四月丁  
憂  
王駿 司封員外郎天聖七年四月視事八年四月移  
知蘇州  
王盤 度支郎中天聖八年四月視事明道元年十月  
罷  
柳宏 都官郎中明道元年十月視事景祐元年六月  
就差廣西轉運使



慎鏞 禮部郎中祕閣校理景祐元年六月視事二年

六月罷

葉參 兵部郎中景祐三年六月視事四年十月分司

南京

鮑當 職方郎中景祐四年八月視事五年二月卒於

郡治

周允迪 倉部郎中寶元元年七月視事二年八月移

知衡州

滕宗諒 祠部員外郎寶元二年六月視事康定元年

十二月遷刑部員外郎直集賢院移知涇州寶元中守

湖州始至問民疾苦攷視風俗尤屬意於興學未閱月

卽營基鳩材表請於朝一新鬻舍風教寢隆邦人德之  
置祠於學歲時奉祀

胡宿 太常博士集賢校理康定二年四月到慶歷三

年四月罷康定中守湖州政有惠愛築石塘百里捍水

患大興州學儒士盛於東南自湖學始旣去州人思之

名其塘曰胡公塘學者立生祠於學

見續圖經

陳亞 金部郎中慶歷三年四月到五年四月罷

馬尋 金部郎中慶歷五年四月到七年四月罷

唐詢 工部員外郎直史館慶歷七年四月到皇祐元

年四月罷

戚舜元 水部郎中皇祐元年四月到任轉司封郎中



三年二月罷

張昱之 刑部郎中天章閣待制皇祐三年二月到任

四年九月移知揚州

章岷 度支員外郎充集賢校理皇祐四年十月到任

轉司封員外郎依前充職至和元年十一月罷任

楊紘 刑部郎中至和元年十一月到任二年二月轉

兵部郎中又嘉祐元年正月轉太常少卿二年六月十

二日罷

徐起 光祿卿嘉祐二年六月到九月轉祕書監三年

八月移知單州

盛申甫 司封員外郎集賢校理嘉祐三年十月到任

轉工部郎中依前充職五年十月罷

齊廓 光祿卿直祕閣嘉祐五年十月到任六年九月

分司南京

鮑軻 度支郎中嘉祐六年十月到任七年六月移知

吉州

張田 屯田員外郎嘉祐七年六月到八年五月改都

官八月轉職方嘉祐中以屯田員外郎守郡性剛直吏

民畏服凡有興作可以立成創軍資甲仗庫又重建都

酒務永寧駱駝儀鳳二橋開子城東西三衙門公私為

便及立顏魯公祠仍籍吳興登第者題名於學在任二

年移知廬州代者徐公仲謀作記云子觀張君不在謝



柳龔黃之下

見舊編

徐仲謀 職方郎中治平元年五月到任三年五月罷  
王昇 司封郎中充祕閣校理治平四年七月到任五  
年二月初赴闕

唐詔 司勳郎中熙寧元年四月到任三年九月移知  
太平州改知潭州

徐綬 熙寧二年十一月以尙書司封郎中充集賢校  
理知州事四年十一月罷

孫覺 右正言直集賢院熙寧四年十一月到任六年  
三月移知廬州熙寧中以右正言守郡始至歲適大水  
民人饑饉欲相率亡去公振倉廩躬自撫循富有皆爭

出穀以佐官所活不可勝計又以其餘暇因網羅遺逸

得前人賦詠數百篇爲吳興詩集其他刻尙存而偃仆

斷缺於荒陂草野之間者皆集於墨妙亭

見舊編

王介 職方員外郎充祕閣校理熙寧六年四月到轉

祠部郎中依前職至十二月抽赴闕

李常 太常博士充祕閣校理熙寧七年三月到任祠

部員外郎前職九年三月移知齊州

章惇 右正言知制誥熙寧九年三月到任十一月移

知荆南府十年四月再任五月丁母憂

鞠真卿 太常博士直祕閣熙寧十年八月到任元豐

元年九月移知蔡州



王安禮 太常博士直集賢院元豐元年十月到任至十一月抽赴闕  
 蘇軾 尚書員外郎直史館元豐二年四月二十日到任七月十八日罷元豐中守湖州下車三月而罷以事繫御史臺獄郡人懷其德政作解厄道場者彌月故有授獄卒以遺子由詩云百歲神遊定何處桐鄉知葬浙江西集中有端午遍遊諸寺以下三十餘篇皆吳興所作詩也  
 陳侗 太常博士充集賢校理元豐二年十一月到任三月八日移知宣州  
 唐俶 工部員外郎元豐三年八月二十九日到任

十一月換朝奉郎四年十月轉朝散郎五年八月再任十月授尚書員外吏部員外郎赴闕  
 閻正孝 直朝散大夫元豐六年三月到任至中二年移淮南東路提刑  
 滕元發 正議大夫元豐七年八月到任八年五月轉光祿大夫九月移知蘇州  
 呂希道 中散大夫元豐八年十二月初二日到任元祐二年八月二十八日罷  
 林希 朝請郎充集賢殿修撰元祐二年八月二十八日上至三年七月轉朝奉大夫四年正月移知江寧軍江南東路兵馬鈐轄



呂温卿 右丞議郎元祐四年二月初二日到任六年

二月初六日移知明州 奉大夫四等五員 蘇誠 王寧 重

張詢 左朝請郎元祐六年二月七日到任八年二月

二十日罷 唐瑁 左朝散郎元祐八年三月初一日到任紹聖元

年七月初五日罷 鍾浚 左朝請郎紹聖元年七月初五日到任二十四

日卒於郡 王安上 宣德郎紹聖元年九月三十日到任紹聖三

年十一月十八日罷 符員 馮復 馮

馬城 通直郎紹聖三年十一月十八日到任四年閏

二月八日移知潁州 余中 朝奉郎充祕閣校理紹聖四年六月二十二日

到任元符二年三月八日移知杭州 蔣之幹 朝散大夫元符二年六月二十三日

到任三年十二月二十六日罷赴闕 徐鐸 朝奉大夫元符三年十二月二十六日到任崇

寧元年二月十五日移知河中府 晁補之 朝散郎崇寧元年四月二十九日到任當年

五月二十九日移知密州 豐稷 朝請郎充龍圖閣待制元符元年六月二十二

日到任二年三月八日移知杭州



呂嘉問 中大夫崇寧元年閏六月四日到任二十三日  
 日以寶文閣直學士知成都府  
 林顏 左朝議大夫崇寧元年八月初五日到任十二  
 月十一日左轉中散大夫二年正月初八日移知廬州  
 充淮南西路兵馬鈐轄  
 王瑛 右朝議大夫崇寧三年四月二十二日到任  
 王澤 朝請郎崇寧四年閏三月初二日到任至五年  
 二月二十四日赴闕  
 吳綱 朝請郎充顯謨閣待制崇寧五年二月二十四  
 日到任大觀元年三月二十七日罷  
 鮑朝賓 朝奉郎大觀元年到任

王仲疑 朝議大夫直祕閣大觀二年四月二十九日  
 到任  
 葉棣 朝請大夫大觀四年三月二十六日到任政和  
 元年正月初十日罷  
 章援 朝散郎政和元年正月二十四日到任轉朝請  
 郎四年三月初二日罷  
 葉唐稽 朝請大夫政和四年四月初三日到任十二  
 月二十三日移京東路提點刑獄公事  
 盛瑜 朝請大夫政和五年二月十七日到任升直祕  
 閣七年四月二十七日提點南京鴻慶宮  
 沈麟 朝請郎直祕閣政和七年六月初三日到任轉



朝奉大夫直天章閣宣和元年四月六日致仕  
王倚 朝請郎直祕閣宣和元年六月二十五日到任  
三年二月二十九日轉朝奉大夫直龍圖閣四年五月十五日赴闕

胡思誠 朝請大夫直祕閣宣和四年六月初七日到任十七日罷

葛勝仲 大中大夫充顯謨閣待制宣和四年十月初四日到任六年九月初六日移知鄧州安撫使建炎中自大司成守郡時金人蹂江浙盜賊蠭起劇賊邵青欲過江入湖公大修城郭教閱士卒賊望風引去是歲大饑斗米千錢餓殍相枕藉公大發官廩又輸以穀數百

斛遣官吏振給之民賴全活

見舊編

强休甫 奉直大夫宣和六年十月初九日到任七年四月二十八日轉朝議大夫靖康元年三月初八日罷任

盧襄 靖康元年三月初九日以徽猷閣直學士中大夫到任四月初九日除兵部侍郎

鄭滋 朝奉大夫充徽猷閣待制靖康元年六月十日到任是年九月二十五日移知平江府

趙子漪 中大夫靖康元年十一月二十日到任當年十二月初八日卒於郡守

梁端 以朝請大夫直祕閣建炎元年八月八日到任



二年三月捕獲叛兵轉中奉大夫當年二月特恩轉中大夫三年四月九日以協助勤王升直龍圖閣當月十二日丁母憂罷任  
張虞卿朝散郎建炎三年八月二十九日到任當年十月初四日轉朝請郎十一月九日奉旨依所乞主管南京鴻慶宮罷任  
趙子嶙建炎二年守郡時虜人南侵所過輒下或空城邑去之公乃躬率將士勦力乘城人皆感勵願以死守或謂賊且浮舟而來乃厚賞募人沒水行以鑿賊艦誅巨木沈廢舟以絕間道事甫定遽罷去居人攀戀涕泣御史以吳言告於上詔還於郡乾道五年立祠於顏

魯公堂東偏

見舊編

汪藻紹興元年十一月初三日以龍圖閣直學士朝散大夫到任二年十月遷左朝散大夫四年九月二十二日移知撫州

陳與義紹興四年九月二十一日以徽猷閣直學士左奉議郎到任五年二月二十五日召除給事中紹興八年四月初二日以資政殿學士左大中大夫到任至七月十一日準敕依所乞提舉臨安府洞霄宮

李光紹興五年閏二月初三日以左朝奉郎充寶文閣待制到任當年七月初九日除顯謨閣直學士移知平江府



方孟卿 紹興五年九月初一日以左朝奉郎充集英殿修撰到任至六年三月二十三日除徽猷閣待制提舉江州太平觀 汪思溫 紹興六年三月二十六日以左朝散大夫直徽猷閣到任當年八月二十一日除太府少卿 宇文時中 紹興六年十二月二十五日以左中奉大夫直寶文閣到任至紹興八年四月初二日差知建寧府 常同 紹興八年七月二十七日以顯謨閣直學士左朝請郎到任九年三月四日召赴行在所 朱勝非 紹興九年三月初四日以觀文殿大學士左

宣奉大夫當年十月二十六日提舉臨安府洞霄宮 蕭振 紹興九年十一月二十五日以右奉議郎充徽猷閣待制十一年三月二十三日提舉臨安府洞霄宮 秦梓 紹興十一年六月初五日以左承議郎直祕閣 當年十二月二日差知温州赴行在奏事改除祕書少監兼崇政殿說書 周葵 紹興十二年三月初四日以左承議郎直祕閣 當年十二月二十一日移知平江府 秦治 紹興十三年二月初四日以右奉議郎充集賢殿修撰到任 張宇 紹興十四年十二月以左朝奉大夫直祕閣到



任十五年十二月十二日改差宮觀  
王鉄 紹興十六年三月十二日以敷文閣直學士右  
朝議大夫到任當年十一月二十日轉右中奉大夫十  
七年正月二十日提舉江州太平觀

張官 紹興十七年二月十八日以右朝議郎充敷文  
閣待制到任當年九月十八日提舉江州太平興國宮  
錢堪 紹興十七年十一月二十四日以左朝散郎到  
任十八年八月二十一日主管台州崇道觀  
趙叔洙 紹興十八年九月十七日以左中奉大夫到  
任十九年七月三日罷  
周奕 紹興十九年七月二十八日以右朝奉郎到任

二十一年四月二十七日移知温州

王會 紹興二十一年五月十九日以敷文閣直學士  
右朝奉大夫到任二十四年四月十九日移知秀州  
郭城 紹興二十四年五月十三日以右朝奉郎直祕  
閣到任二十六年正月十一日除祕閣修撰主管台州

崇道觀

汪勃 紹興二十六年七月十三日以端明殿學士左  
朝奉大夫到任二十八年四月十八日提舉江州太平  
興國宮

李琳 紹興二十九年四月十四日以左朝議大夫充敷  
文閣待制到任二十九年五月九日提舉江州太平



興國宮

楊揆 紹興二十九年六月十三日以右朝議大夫充

敷文閣待制到任當年十月十四日卒於郡

董平 紹興三十年六月初一日以右中大夫集英殿

修撰到任三十一年二月十六日移知潭州

陳之茂 紹興三十一年四月十三日以左承議郎到

任當年八月十六日轉左朝奉郎三十二年十二月八

日除直祕閣當月二十日移知平江府紹興三十一年

自吏部郎中守郡凡有追逮未嘗遣吏揭片紙譙門之

下雖外之縣鎮莫敢違其程限明年冬虜亮寇邊修城

郭治器械聚糧食東南士大夫挈家依之

見舊編

鄭作肅 紹興三十二年十二月十六日以左朝議大

夫直祕閣到任

王師 顯謨閣學士左正議大夫乾道元年九月到任

二年八月提舉江州太平興國宮

王時升 左中奉大夫乾道元年九月到任二年八月

提舉江州太平興國宮

王十朋 左承議郎敷文閣待制乾道三年九月到任

四年四月提舉江州太平興國宮紹興二十七年廷試

擢第一乾道中以敷文閣待制自夔州移知郡事崇儒

重道以教化為先郡有貢院久廢自出圭租以率州之

士夫各助私錢重建不斂於民不費於官貢院郡學皆



立生祠為政禁戢疆橫勤恤小民後丐祠得請百姓攀戀至有垂泣者見舊編

劉敏士 右朝散大夫兩浙路轉運判官乾道四年四月被旨兼權

唐瑒 右朝請大夫直龍圖閣乾道四年五月到任六年正月除江東運使改知建康府

林栗 左朝請郎直寶文閣乾道六年二月到任十一月罷

向洵 右朝請大夫直祕閣乾道六年十一月到任七年十月進直寶文閣十二月移知平江府

單夔 右奉議郎乾道八年正月到七月除戶部員外

郎淮西總領

薛季宣 右通直郎乾道八年八月到轉右奉議郎九年二月改知常州

張宗元 左中奉大夫祕閣修撰兩浙轉運副使乾道九年三月被旨兼權

趙師夔 右宣教郎直徽猷閣乾道九年五月到轉承議郎直龍圖閣再任淳熙三年三月除浙西提刑

鞏湘 朝奉大夫淳熙三年四月到轉朝散大夫四年十二月除明州長史

曾逮 朝請郎集英殿修撰淳熙五年五月到轉朝奉大夫六年三月改除知鎮江府



趙粹中 奉議郎龍圖閣待制淳熙六年四月七日到九日罷

趙伯驥 武功大夫忠州團練使兩浙西路提點刑獄公事淳熙六年四月被旨兼權

王正己 朝散郎淳熙六年七月到十一月罷

趙彥逾 朝奉郎淳熙六年十二月到七年十一月除淮西運判

胡南逢 朝奉郎淳熙七年十二月到任九年二月宮觀

趙善杜 朝散郎淳熙九年二月到八月以憂去職

顏度 朝奉大夫直寶文閣淳熙九年

劉藻 承議郎淳熙十一年八月到任十二年十月罷

趙思 朝奉大夫淳熙十二年十一月到至十四年閏七月轉朝散大夫除直龍圖閣再任十五年九月被召除起居郎

張澈 朝奉大夫淳熙十五年到以磨勘及覃恩轉兩官以修軍器率先諸郡特轉一官紹熙元年四月除都大提點坑冶鑄錢局

王信 中大夫紹熙元年五月到十二月移知紹興府

王回 朝請大夫直徽猷閣紹熙二年二月到三年四月除江東提刑六月十四日受代

趙不述 紹熙三年六月到次年正月準省劄除都大



提點坑冶鑄錢局

趙元夫 東朝請郎紹熙四年三月到當年九月罷

潘景珪 中散大夫充祕閣修撰紹熙四年十二月到

五年十一月自陳宮觀

虞儔 朝奉大夫直祕閣紹熙五年十二月到慶元二

年二月改除知婺州

孟浩 朝奉大夫慶元二年四月到次年六月罷

趙善宣 慶元三年八月以朝奉大夫到當年十月罷

張震 朝奉大夫慶元三年十二月到五年六月除福

建路提刑

李景和 慶元五年七月以朝奉大夫到嘉泰元年三

月準省留召赴行在

富瑄 嘉泰元年四月到三年六月十七磨勘轉朝奉

大夫七月二十二日被旨召赴行在

陳鈞 嘉泰二年九月初七日以朝奉郎到任當年十

二月磨勘轉朝散郎次年正月宮觀

汪泳 嘉泰三年二月初十日朝奉大夫到次年三月

十一日磨勘轉朝散大夫當年五月十四日宮觀

留佑賢 嘉泰四年六月二十六日以朝奉大夫到開

禧二年二月二十一日準旨除湖南提舉當年三月十

五日授代

周夢祥 開禧二年三月十五日以朝奉郎到當年十



二月磨勘轉朝散郎  
 王炎 開禧三年十二月十三日朝議大夫到任嘉定  
 二年正月二十六日罷任  
 魏大中 嘉定二年三月初五日以前奉大夫到任當  
 年十二月二十一日磨勘轉朝散大夫次年閏二月初  
 五日敕文  
 趙希綦 嘉定十三年五月初三日以前朝散郎到任十  
 四年二月十三日準尚書省劄子除大府丞  
 趙希蒼 嘉定十四年三月二十三日以前朝請郎到任  
 四月內磨勘轉朝奉大夫至十五年八月初六日宮觀  
 謝伯 朝請大夫嘉定十五年八月八日到任九月三

日準省劄監尚書六部門  
 宋濟 嘉定十五年十一月初六日以前朝請大夫到任  
 至嘉定十七年四月初五日除左曹郎中  
 謝周卿  
 王元春 寶慶元年正月十二日以前中大夫除祕閣修  
 撰到任至當年五月初三日除右文殿修撰知平江府  
 梁紘 寶慶元年六月初七日以前朝請大夫到任至寶  
 慶三年八月初四日除左曹郎官  
 趙希觀 寶慶三年八月十三日以前朝散郎到任於當  
 年九月二十四日磨勘轉朝請郎紹定二年十月得旨  
 令赴行在奏事十二月初七日滿替



趙汝憚 紹定二年十二月初七日以朝請郎到任磨  
勘轉朝奉大夫至三年十一月二十六日準省劄除將  
作監主簿 紹定三年八月十三日 趙汝憚 磨勘 到任 當  
徐愿 紹定三年十二月十六日到任五年十二月十  
七日滿任六月二十四日準尚書劄子備奉聖旨令赴  
行在奏事當月二十八日受代 趙汝憚 磨勘 到任 當  
趙與權 紹定六年二月二十八日以朝奉大夫直寶  
章閣到任當年十月初八日丁母憂 趙汝憚 磨勘 到任 當  
萬逮 紹定六年十一月初七日以朝請郎到任至端  
平元年四月十三日罷任 趙汝憚 磨勘 到任 當  
林申 端平元年九月二十四日以朝奉大夫到任至

三年三月二十一日準尚書劄子除太府寺丞當年七  
月初一日磨勘轉朝散大夫至九月二十九日交割赴  
行在供職事 趙汝憚 磨勘 到任 當

杜幼節 端平三年九月二十九日以朝奉郎到任至  
嘉熙元年六月初五日準省劄宮觀 趙汝憚 磨勘 到任 當  
劉震孫 嘉熙元年八月初九日以承議郎到任至嘉  
熙二年三月初九日準旨轉朝奉郎於當年三月二十  
四日準省劄除兵部郎官兼京西湖南北江西路督視  
參議官四月二十六日被旨將職事交割以次官離任  
趙希聖 朝奉郎嘉熙二年閏四月十四日到任當年  
九月七日引嫌丐辭奉御筆方有政聲且合終任六月二



言一四  
十三日奉聖旨改差知嘉興府  
俞垓 嘉熙二年十一月十五日以朝奉大夫到任嘉  
熙三年七月初七日準省劄備奉聖旨召赴行在奏事  
當月二十八日受代  
謝奕修 嘉熙三年七月二十八日以朝奉大夫到任  
嘉熙四年正月六日奉聖旨與祠  
王侑 嘉熙四年六月十三日到任  
二日成一考爲軍糧事三疏自劾奉聖旨依所乞與宮  
觀二月十二日離任

黃辰顯

黃臬 淳祐元年十二月十日以朝奉大夫到任至淳

祐二年冬兩乞祠次年正月十二日奉聖旨主管建康  
府崇禧觀

楊瑾

周坦 淳祐四年八月十二日以承議郎到任至五年

五月初七日準省劄祕書丞

趙時詒 淳祐五年六月六日以朝散郎到任淳祐六

年二月二日丁父憂

蔡節 淳祐六年三月六日以朝散郎到任集英殿修

撰至淳祐七年七月一日準省劄仍舊職改知婺州已

於七月初十日交割離任

徐夢衍 淳祐七年七月十二日以奉議郎到任至八



年三月六日磨勸轉承議郎當年十二月十五日準省  
劉除司農寺丞當月十八日交割與次官離任

莊同孫 淳祐九年正月二十四日以朝請郎到任至  
當年四月準告轉朝奉大夫至淳祐十年八月十一日  
準尚書省劄子除都官郎於當月十日申省辭免得旨  
不允交割以次官於九月初六日交割離任  
謝奕勳 淳祐十年十月二十日以通直郎到任

吳興志卷十四

吳興志卷十五

宋談鑰撰

縣令題名

烏程縣

烏程之名在郡之前數百載昔之令卽今之守也其人  
多其責重矣舊編載縣事題名以爲縣自秦漢至吳寶  
鼎以前爲令者不見於元記自晉及唐號賢令者劉秀  
之江秉之沈憲孔琇之韋承慶李清凡六人其外統記  
有計荆晉史有羊不疑梁柳惲吳興集有鮑禔唐顏真  
卿放生池碑有李晤昇望記有裴抗興善寺碑有米集  
舊圖經有李何十三人而已本朝慶歷四年李從始立



石刻題名自咸平元年李團以下其前亦不可攷其雜見他記者惟徐禹旻王懷穗端拱中瑞相院碑有周吳又何稀疏而罕聞也今歷攷史傳諸書自吳至唐得二十二人視舊加增矣尙懼其有遺也姑編次以便觀覽吳萬彧統記云以茂才歷州從事烏程令見吳書姚憲統記云武康人爲烏程令爲憲自秦鄭至吳實計荆統記云荆爲烏程令昔之令昭今之守必其人晉司馬颺晉司馬颺河內人將爲烏程令在建康遇戴洋後遷太山太守加振威將軍陶範世說云王修齡嘗在東山甚貧乏陶胡奴爲烏程令送一船米遺之卻不取範小字胡奴

羊不疑南史羊欣父也王獻之爲守不疑爲烏程令宋盛曇泰宋彭城王義康傳烏程令盛曇泰益錄劉秀之南史云字道寶東莞莒人又爲縣令著能名遷建康令南史云字玄叔濟陽攷城人爲烏程令以善江秉之南史云字玄叔濟陽攷城人爲烏程令以善政著名東土徵爲建康令西無齊孔琇之南史云會稽山陰人爲烏程令有吏能遷通直郎後爲郡太守沈憲南史云字彥璋武康人爲烏程令甚著政績太守褚彥回歎美以爲方圓可施合卒梁鮑禕梁柳惲集有烏程令鮑禕統記柳惲爲吳興



刺史上嘉禾表云烏程令鮑禊狀解嘉禾一莖六穗  
傅瑛 南史天監中傅瑛為烏程令卒於大中大夫  
王偉之 南史王韶之傳父偉之為烏程令韶之因居  
境好史籍博涉多聞

唐韋承慶 唐韋承慶子延休儀鳳中由太子諭善出  
為縣令政化流行民為刻石頌德立於縣門西廡號韋  
公政碑

李清 唐李清大歷中為縣令忠肅明亮以將其身清  
簡仁惠以成其政絃歌二歲而流傭復者六百餘室廢  
田墾者三百頃浮客輻湊迨乎二千種桑蓄養盈於數  
萬官政有刻石之埃吏廚有餐錢之資崇本經用率皆

如此見顏真卿西亭記

李晤 大歷中顏真卿放生池碑烏程令李晤又李蟾  
修縣廨記云晤生相國紳於廨舍

裴抗 會昌中昇望記烏程令裴抗

李蟾 乾寧三年烏程令李蟾修廨舍有記

李集 見興善寺碑

李何 見舊圖經注文

嚴謀道 見統記烏程菑塘開元中縣令嚴謀道重開

宋周英 端拱中為烏程令見瑞相院碑

徐禹 名見續圖經舊編

王懷德 名見續圖經舊編



李團 舊編云本朝慶歷四年縣令李從始立題名記  
自咸平元年李團以前皆追書之繼李從之後者相續  
而錄以至於今

徐宗孟 滕從 張鑿 薛耀卿 尚森 蘇耆 張

化基 滕喬 楊文友 閻見賢 方仲弓 趙宗古

關魯 王陸 陸廣 王稷 李咸 詹庠 李從

慶歷四年立縣令題名 朱思道 史言 石元之 閻正立 吳

咸 陳洙 梁端 李茂直 錢顛 周演 陳察 林愈

虞策 朱剛 孫雲 施邁 胡徹 江翊 王玠

郭忠卿 俞偉 周定民 姚滂 林成 趙澤民

李仲愈 郭儀 姚沆 王居仁 錢令問 林玘

單莘 董時敏 王棠 林向汲 李霍文炳 鄧植 趙

善良 朱振 林思茂 陳深 李連 陳宏 王興

慈 邵大寧 夏翌 王元圭 陶之真 潘淵明

詹儀之 范彬 俞友 俞端禮 蕭德藻 王涓

莊璋 趙善興 徐峻 陳序 張適 趙彥衛 葉

蕤 唐叔翰 魯开 金之堅 潘靈 魏震

歸安縣

縣創於太平興國七年時即有令至元豐丙寅歲縣主  
簿吳同卿始搜故籍得淳化二年以來二十六人書於  
壁縣令蔡瑗為之序後十年紹聖丙子歲令楊郊始刻  
之石自後相續書刻以至於今備列如後



劉驥 李朴 盧幹 嚴儒 滕高 韓某 李餘慶

李迪 劉拱 丁日新

戴顥 天聖四年七月以太常博士知縣事臨民未朞治具大舉先是邑人以物產久虛而茶賦不除土敞無出齊民愈困公乃藉數之贏少第戶之豐乏審地置而均其課由是鄉亭絕追捕之苦縣有崇禮萬歲二鄉人多澤居罕務力穡資橋山之鹽以昌禁公喻以理法民遂革業務農私室漸實園扉薦空戊辰歲召還而二鄉之民立祠於射邨永興寺鄉貢進士張先記石刻在寺孫元 張唯 沈兼 楊仲元 劉仁化 唐諷 楊濟 元居中 謝仲 林震 李杲 崔表臣 諸程

李鈞 丁禔 虞肇 鄭惇惠 杜慶長 柯述

劉傅 邢端 王華老 蔡瑋 毛直友 梁鐸 楊

郊 李元 劉藩 胡知柔 何諒直 齊定國 張

興中 李景亮 劉蒙 林豈 錢耕 齊定國 張

俞俟 字居易郡之人也尚之孫宣和中浙右經方寇之擾州縣多闕守令俟知真定獲鹿縣辟為歸安縣縣在郡邦人多難之乃預定規模處之以公未勦請括諸路隱匿田縣獨不與鹽法屢變私販者罪甚重縣獨寬之葛勝仲知州事待俟甚厚或至縣治與之談後仕至敷文閣學士所至有治聲人稱為吏師 潘騫 葉夢齡 竇深 蔣循祖 張栻 魯諱 莫



近 王法臣 俞垓 馬迥 重建宅堂并雙桂堂 宋松年 朱

搏 趙善愷 郭遂良 霍文郁 侯克國 王綜

蔡瑀 王駮 盧溶 俞希尹 子應符 魏興祖 王寧

施廣國 林思聰 黃舉 林一鳴 周庭藻 馮

必大 俞應符 鄭昭先

長興縣

長興縣自晉初置令之後以名見於史傳諸書者晉有陳達齊有何敬叔范岫庾沙彌陳有謝夷吾唐有鉗耳知命朱自勉權逢吉潘虔紹興八年縣令張琮始哀聚宋朝太平興國中錢氏納土以後縣令姓名刻石賓於廳事今併錄之

晉陳達 南史陳紀晉太尉準之孫達為長城令悅其

山水遂家焉嘗謂所親曰此地山水清麗當有王者興

二百年後我子孫必鍾斯運

齊何敬叔 南史傳何敬叔為長城令有能名在縣清

廉不受禮遺夏節至忽榜門受餉數日得米三千餘斛

他物稱是悉以代貧民輸租

范岫 南史傳范岫仕梁官至祠郎尚書為齊長城令

時有梓木小箱至數十年經貴遂不改易

庾沙彌 南史孝義傳庾沙彌至孝卒於長城令

陳謝夷吾 舊編陳始興王發謝安墓安裔孫長城令

夷吾徙葬於三鷗山



唐鉗耳知命 唐志

朱自勉 見顏真卿放生池碑

權逢吉 舊圖經西湖久廢元和中刺史范傳正命縣

令權逢吉去塘中白及決堰以復古迹

潘虔 舊圖經西湖成道中縣令潘虔重修

宋尹克勤 郭同節 王和白 李贊 魏拱 喬文

郁 張諫 潘濬 歐陽徒 鞠仲義 王翌 馬宜

王樞 袁旦 魏嗣宗 俞良儒 張合 朱辰

宋穆 唐嗣 劉舉 馮彭 柳察

林槩 舊編寶元中為令時邑人猶未知學槩為闢庠

序置生員身自誨飭講論經籍日出視事日昇詣學抵

夜而歸寒暑不倦由是邑之登科者接踵後其子希守

吳興邑之更隱堂序賓亭皆有長篇刻之石

裴大亮 閻革 任凱 趙元儀 許遵 郝承贊 方

謹德 侯賓國 張朴 汪濤 蕭汝器 葉棊恭

吳濤 劉仲章 劉愁 陳知源 陳之才 郭剛

正述 吳巨 董若 陳知恕 黃頡 顧長民

張彥輔 謝伯宜 林露 林髦 張瑱 許宸卿

黃素 宋昌 蔡圭 吳昇

陳吉老 舊編宣和中為令方寇之變人情訕訕縣東

有竊發者千餘人公以死誓吏民整卒伍攻之手誅鋤

千餘人縣獲安堵



徐文虎 李正邦 毛欽悅 王勳 葛彥成 張琮

常因 黃偉 趙子卓 劉授之 蔡圻 陳叶

計顛 呂僧護 曾惔 方釋之 劉邦光 張維

顏度 鄭熊 林大中 趙彥光 趙師復 吳競

錢師悅 陳擴 慕容縱 李樞 陳鈞 向士斐

黃由已 董與幾 董若 刺映 黃時 應廷

武康縣 隆 刺映 刺之 將

武康縣初名永安置自漢之初平令長之說舊矣自吳以至六朝舊編謂可書者五人晉賀循宋朱齡石齊傅琰梁何遠陳殷不佞宋書又有庾肅之唐顏真卿放生池碑有李漢張士若吳興統記有慶澄大慈寺鐘銘有

韓章又有宋朝張直淵應廟碑有唐劉泐餘英志又增陳沈峻一人今參攷諸史記傅琰在宋殷不佞沈峻在梁庾肅之在晉又晉有袁猷孔欣之梁有伏挺樂藏唐有獨孤及諸人皆有行事故併舊編所載及其事迹列之於後若夫題名始立於紹興初之鍾燮斷自祥符六年王素以後至今聯續以書其政績有著見者并附之下云題名衢州判官陸彥昭為序  
晉賀循 晉書賀循字彥先舉茂才除武康令俗多厚葬及有拘忌停喪不葬者循皆禁之政教盛行鄰城宗之久不進序顧榮陸機陸雲表薦之曰武康令賀循德量遂茂才鑒清遠服膺道素風操凝峻歷試三城刑政



蕭穆才望資品可尚書久之召為太子舍人

袁猷晉書袁環傳弟猷字申甫少與環齊名俱渡江

環為丹陽猷為武康兄弟列宰名邑論者美之

庾肅之南史沈道虔武康人居縣北石山下孫恩亂

後饑荒縣令庾肅之迎出縣南廢頭里為立宅臨谿山

水之玩時還石山精廬

孔欣之南史沈道虔居武康鄉里少年相率受學道

虔常無食立學武康令孔欣之厚相資給受學者咸得

有成

宋朱齡石南史朱齡石宋武帝剋京城以為建武參

軍遷武康令縣人姚係祖專為劫掠郡縣不能討齡石

至縣偽與之厚召為參軍係祖出應召齡石斬之掩其

家悉殺其兄弟由是一郡得清

傅琰南史傅琰字季圭仕宋為武康令縣人稱之

傅聖賜爵新亭侯時稱傅氏有治縣譜子孫相傳不以

示人

梁何遠南史何遠字義方為武康令厲廉節除淫

祀正身率職人甚稱之太守王彬行部諸縣皆盛供帳

以待至武康獨設糗水而已彬去遠送至境進斗酒隻

鵝而別彬戲曰卿禮有過陸渾將不為古人所笑乎武帝

聞其能擢為宣城太守自縣為近畿大郡近代未有也

樂藏南史沈顯傳梁天監四年北大舉南侵樂藏為



武康令以顛從役到建業揚州別駕陸任以書與吳興太守柳惲責其不能甄善別賢惲即表停之顛有至行而藏俾從役藏之慙宜甚於惲姑誌之以爲爲令者之戒

南史伏挺天監中爲武康令

伏挺 南史 伏挺天監中爲武康令

沈峻 南史 梁時爲中書通事舍人出爲武康令卒官

殷不佞 字季卿 梁承聖初爲武康令時兵荒饑饉百姓流移不佞循撫招集襁負者以千數

唐慶澄 統記 廣德元年袁晁賊傾陷浙右縣人朱泚沈皓舉亡命之徒以應之縣郭民居悉爲灰燼二年寇平左兵曹參軍慶澄兼武康德清二縣令於瓦礫荆棘

之場創置室宇卽前谿北古址築城開塹伐本開徑入虎豹之穴織蓬編箬爲棟宇之覆仍散文牒召逋亡者還業未滿歲色復其舊期年繁庶過半皆澄力也

李漢 見顏真卿放生池碑

張士若 同上

獨孤及 餘英志 唐獨孤及爲武康宰嘗作亭於山因名其山曰獨孤有遺址存見獨孤山下

劉泖 統記 元和七年邑境旱縣令劉泖以響潭靈異率僚屬祈禱應時靈霈見響潭下

韓章 大慈寺神鐘記 縣令韓章撰鐘大歷五年僧神晤鑄詳見神鐘下



宋王素 孫允迪 陳高 王圭 何湜 王鞏 王

易簡 張仲回 趙樵 陳杲 張熙 蕭傳 尹迪

奈孝恭 朱東之 羅本之 李恭敏 王震 始見盡心

堂 宋恭禮 劉傑 謝景山 吳子襄 駱復 冷

源 梅澤 陶兌 李景元 李備 韓宗堯 卓

厚 張祖良 舊編云毛滂字澤民元符二年為武康令慈愛

毛滂 惠下政平訟簡時旁邑多歉惟武康豐穰公餘多暇尋

訪山水發諸文章蘇公軾嘗以文章典麗可備著述科

薦之及見餘英志邑之亭館多所勅建游覽篇詠並在

東集堂

樂倚 馬弼 李恠 陳惟仲 齊敦復 許觀光

畢冲 朱容 范鎔 趙子異 莊必強 莊璫

鍾燮 餘英志云建炎兵火縣堂悉為煨燼紹興二年

鍾燮為令始復營建重門之內有敕書樓廳事之東有

室曰公主明於西園池上建清心堂即毛令漁磯鶴巢

之地也

朱芑 陳泰初 湯穆 范晉 李衡 劉坦 曾悌

郭知微 薛居實 曹絳 湯駿 張端友 許峻

趙思旦 王緯 蔡霖 張棠 韓亞卿 何挺

程九萬 餘英志云下車未幾首訪儒士凡所施設動

可觀仰邑有頑民與姦胥為囊橐盜占縣治地以罔市



利乃籍其姦賊繩之以法縣以肅清秩滿攀餞追送閭巷爲空在邑所作詩章百餘篇號松桂林集又和毛東塘題詠邑人編爲毛程倡和錄

辛世德 魏中復 丁大聲 魏剛中 趙崇規 馮

多祉 徐逢

德清縣

德清縣置自唐天寶以來題名不立見於柳文者柳察躬見於放生池碑者范銘見於詩詠者有喻鳧而已本朝慶歷壬午歲縣令劉景始刻石自太平興國三年吳越納土後至康定元年次具姓名龕諸壁校書郎浚爲記後相續不絕今悉載於後

唐慶澄 吳興志廣德元年袁晁賊傾陷浙右本縣人朱泚沈皓舉亡命之眾應之二年刺史獨孤問俗使將軍辛敬順於金鵝山築城守其寇路泚皓殺洞中賊黨以降之七月左衛兵曹參軍慶澄兼武康德清二縣令安集之

范鉅 乞御書放生池碑顏真卿撰德清令范鉅

柳察躬 按柳宗元先侍御神道表父察躬湖州德清令世德孝廉又曰天寶遇亂奉德清君夫人隱王屋山察躬爲令時當天寶年間也

喻鳧 建州刺史李頻送喻鳧赴德清令詩棹返雪谿去仍參舊史君州傳多古迹縣記有誰文水柵橫船閉



湖田立木分但如詩思苦為政即超羣

宋劉楚金 劉廷敏 孫諒 王琰 劉世昌 張維

王衮 杜惟明 劉洞 馬周 王符 蘇昂 符

居簡 楊知保 王子昂 孫汝弼 陳範 虞初昌

寶允 潘約禮 劉景 江觀 劉觀 苟師顏

蔣翔 黃長裕 郭真卿 韋肅 文勸 梁昉 陳

之方 徐良佐 曹庠 孫載 陳羔 聞人完 楊

規 李樞 魏興宗 鮑朝懋 侯綬 方揚遠 毛

國賓 葉華 梁仲衍 樓居明

王穀 山東人政和二年為令是時括責茶租甚嚴德

清山閒茶最盛使盡翦伐民初雖不信委曲勸諭以為

茶可復種茶租一定則為子孫之害至今德清茶租最

輕金鵝山下藕有旨責貢取以為獻而不緘封至京色

味俱變遂不復再取其愛民類如此

趙岵 字景東清獻公猶子宣和元年為令庚子冬清

谿盜起破郡邑人駭散岵獨留縣發倉廩招集貧民團

聚保甲賊自嘉禾犯境岵邀擊之擒其將二人獲凶徒

二百餘人器械千數級數百縣賴以全邑人立生祠於

乾元寺

李登 俞佚 趙子縝 向子廉 趙子瑗 黎詔

楊燄 沈造 劉嘉成 沈彬 王鑄 高公緒 陳

桴 徐峴 趙以 俞汝翼 范直大 葉榮 管



言元一五  
銳 向子儼 趙不比 孫易簡 葉沆 章耀 胡  
澄 趙希迪 沈杞 楊思濟 李稠 王銑 朱欽  
則 舒烈 陳雱 陳庶 呂鎡 單端士 黃之仁  
安吉縣

安吉縣自漢中平以來其令長見於史傳者絕無而僅  
有攷之統記有計豪姚翊宋書有蕭鸞唐以來考之碑  
記大歷中放生池石刻有楊宥曹友諶本朝碑刻天聖  
中有中大夫行國子博士上護軍尹熙古又有狄遵禮  
胡穆劉望胡浚明當有可錄者散落不得而書自唐邁  
以後至於今得二十人具列于後  
吳姚翊 安吉令

晉計豪 安吉令

宋蕭鸞 字景栖宋泰豫元年爲安吉令有嚴能之名  
卽齊明帝也

梁徐文整 故鄣令

周弘政 梁安吉令

施紘 梁故鄣令

唐楊宥 顏真卿放生池碑安吉令楊宥

曹友諶 曹友諶見上

宋尹熙吉 狄遵禮 胡穆 劉望 胡浚明 唐邁

強徽 王抑 呂靖 韓胄 趙伯耆 范晉 張

庭筠 徐良能 呂正己 韓磊 李時澤 安鼎



曾崇 錢宥之 趙師行 趙楸 黃敷忠 褚意

韋翌 趙師恩 陳自修 吳益 莫若冲 張杰

趙彥滄 葉松 趙不汙

曹文蔚 曹文蔚員士

葉松 葉松

葉松 葉松

葉松 葉松

葉松 葉松

葉松 葉松

吳興志卷十五

吳興志卷十六

史舍人 宋談鑰撰

姓之有望生於緒姓族之蕃而別其地也古者因生賜姓胙土命氏漢鄧氏應氏有氏族篇纂敘世繫至晉賈弼撰姓氏簿始附之州郡宋王儉廣其書東南之族具焉吳興郡著姓之說率根源於是歷數百千年時有升降闕有盛衰若不可一概定然攷之太平寰宇記李宗諤圖經王曾圖志及續圖經等書述地理而參諸學者皆言姚沈正鈕長城曰錢胥今故敘四姓著於鄉之繇而長城之錢附焉至他姓之有顯赫者則有古今史編



及姓氏諸書在  
姚姓出自虞帝生於姚墟因以為姓春秋時鄭大夫姚  
句耳姚般其後也漢有青州刺史恢尚書左僕射皓吳  
有太常卿信晉有九江太守渠墓皆在郡境有碑碣存  
姚姓其來也遠居吳興亦久矣姓氏書謂王莽封田豐  
奉舜祀豐子避莽亂過江居吳郡改姓為媯五世孫敷  
復改其姓姚始居吳興武康未必然也敷生信即吳太  
常卿著昕天論者信子寧浦太守陶陶子太傅奮奮六  
世孫僧坦隋開府儀同三司生二子察最察隋太子內  
史舍人生思廉最隋蜀王友生思聰自晉至梁尤多顯  
人藏為散騎常侍宣業為吳興郡公武韞璿壽欽定祥

六人皆至給事中他可概見宣業之四世孫崇相明皇  
崇傳云陝州人陝州之族出於武康思廉之孫璿相武  
后思廉傳云父察自吳興遷京兆遂為萬年人京兆之  
族亦出於武康獨最與思聰墓在武康石城山今之居  
吳興者皆祕書少監思聰後也舊圖經載漢九江太守  
姚渠墓在烏程縣南六  
十里吳秦州刺史志墓在州南十四里統記載後漢青  
州刺史恢尚書左僕射皓吳太常卿信墓並在武康縣  
西南三里石城山碑碣並存後周開府儀同三司僧坦  
陳吏部尚書察隋蜀王司馬最唐祕書少監思聰墓亦  
在焉統記又載信子陶吳寧浦太守陶子奮太傅晉之  
藏至散騎常侍武韞與梁之璿壽文祥欽凡六人皆至  
給事中吳之參憲翔晉之向選梁之康暹通緒茂皆為  
縣令竝武康人按姓氏書姚出於虞帝生於姚墟因以  
為姓春秋時鄭大夫姚句耳姚般其後也初陳公滿封  
於陳裔孫共仲奔齊為陳氏又為田氏齊亡居魯至王  
莽封田氏為媯五世孫敷復改姓姚居吳興武康敷生  
吳郡改姓為媯五世孫敷復改姓姚居吳興武康敷生



信吳選曹尚書八世孫僧坦隋開府儀同三司北隆公  
 二子察最察隋太子內史舍人襲公最蜀王友察生思  
 廉唐修文館學士生澄生儔相武后最生思聰至八世  
 孫袞太僕主簿陝郡姚氏亦出自武康梁征東將軍吳  
 興郡公宣業生安仁安仁生祥祥生懿懿生元之元素  
 元之名崇相明皇生彝忌奔元素生弇馮算孫九人曾  
 孫二十人崇相明皇生彝忌奔元素生弇馮算孫九人曾  
 南史姚察傳吳興武康人吳太常卿信九世孫父僧坦  
 子思廉唐書姚思廉傳察之子陳亡察自吳興遷京  
 兆遂為京兆萬年人孫壽姚崇傳峽州峽石人子懿  
 沈姓臺駘之後或曰聃季食菜於沈姬姓後也春秋有  
 沈子國即汝南平輿沈亭是也沈滅其後子孫因國為  
 氏秦末有沈逞召為丞相不就逞之曾孫保漢封為竹  
 邑侯竹邑侯之十世孫戎後漢初說降劇賊尹良光武  
 封為海昏侯不就避地徙會稽烏程之餘不鄉遂家焉  
 死葬於金鵝山戎生尚書令鄴鄴生河閒相景仲高景

生荆州刺史彥演之慶之曇慶懷文其後也仲高七世  
 孫延晉潁川太守始居縣之博陸里餘烏邨田子林子  
 與約其後也統記又載沈氏先賢傳諸書云沈戎子孫  
 見史傳者一百五十八人三十八人有正傳一百二十  
 人附傳宋梁陳閒皇后三人尚主者五人唐有君亮相  
 武后彥之裔孫曰傳師而睿真太后亦曰吳興人至今  
 人物視三姓為盛云南史沈約字休文吳興武康人自  
敘曰沈臺駘之後沈子國汝南平  
輿沈亭是也春秋時列於盟會魯昭公四年晉使蔡滅  
沈其後因國為氏秦末有沈逞徵丞相不就漢初逞曾  
孫保封竹邑侯保子遵遷九江之壽春官至齊王太傅  
封敷德侯遵生河內太守助軍達生尚書令乾乾生南陽  
太守弘弘生尚書關內侯謙謙生濟陰太守靖靖生將  
大匠格格生尚書關內侯謙謙生濟陰太守靖靖生將  
光武封為海昏侯不受徙居烏程之餘不鄉戎生三子  
鄴零陵太守仲高安平相景河閒相演之慶之曇慶懷



文其後也仲高子鸞鸞子直直子瑜儀子曼吳定陽  
侯曼子矯立武校尉晉長沙太守子瑜儀子曼吳定陽  
軍事陵子延穎川太守警子居縣之博陸子陵儀子  
賀南中郎參軍賀子宋封漢壽縣伯子穆夫子田子龍  
軍林子建威將軍子宋封漢壽縣伯子穆夫子田子龍  
子約梁尚書令子宋封漢壽縣伯子穆夫子田子龍  
寔眾陳民部尚書子宋封漢壽縣伯子穆夫子田子龍  
子所滅沈子還奔楚遂為沈氏會孫是也春秋成八年  
郢召為丞相不成就壽春遵生竹邑侯平生承遂生  
長竹邑侯生遵生壽春遵生竹邑侯平生承遂生  
奮生格恪生謙謙生靜靜生戎後漢光祿勳以九江從  
事說降劇賊尹良光武封為海昏侯不祿勳以九江從  
居會稽之烏程縣餘不鄉遂家焉荆相武后統記載後  
四子許仲高景生彥裔孫令亮相武后統記載後  
漢述善侯戎墓在晉吏部尚書嘉太子詹事回墓在鳳皇  
相景墓在焉晉吏部尚書嘉太子詹事回墓在鳳皇  
山宋齊梁陳諸友墓並武康縣又載沈氏先賢傳後  
漢太山太守霸丹陽太守裕又云沈戎子孫見史傳者  
一百五十八人陳朝宣太后有正傳一百二十人附傳宋  
至唐四皇后宋朝宣太后有正傳一百二十人附傳宋  
睿真太后陳朝宣太后有正傳一百二十人附傳宋

向安康公主縉尚義興公主修智尚湘安公主規尚智  
平公主按沈約自敘其家世與班固揚雄自敘之體同  
宜其視姓氏諸書泛述者必精確而謂楚使蔡滅沈在  
魯昭公四年今左傳載昭四年楚子沈子會于申又同  
伐吳明年又同伐吳則沈之滅安得在四年也以其顯  
著者差齟如此則其他亦未必皆可信姓氏錄謂沈之  
滅在成八年其失又遠矣又世系  
載在諸書者多不同今悉存之  
其後弱為邾國大夫明為魯國左史漢平帝時有名俊  
者持節安輯江淮屬王莽篡位遂留江左居吳興烏程  
後漢大司馬騰交州太守聰陽羨令昭吳晉陵太守傑  
宋尚書右丞泉之新安太守道護建安太守道成梁黃  
門侍郎遲雜見於王儉姓系元和姓纂諸書者不一而  
騰傑遲泉之道護墓又俱在郡境信其為俊後也南史



載冠先奉使不屈死於胡虜傑居喪盡孝感夢授藥靈  
 鞠以文章顯仲孚以政事聞系緒雖不詳可以為著姓  
 矣唐元和中有葬麻谷者左散騎常侍為與撰墓碑碑  
 今存焉鳥程縣麻谷有吳興王公封營正二和四年製左散  
子高遂氏其後弱為邾國大夫明為魯國左史為之作  
必有所據則左正明蓋姓正而官為左史也元和姓纂  
曰齊太公封於營正子孫以地為姓世居扶風左氏傳  
有邾大夫正弱漢平帝時有正俊持節安撫江淮屬王  
莽篡位遂留江左居吳興烏程唐貞觀初有將軍正師  
利又正為蘇州嘉興人事在藝文志舊圖經烏程縣有  
後漢大司馬正騰墓在縣西北十八里南郡太守護墓在  
宋尚書右丞梁黃門侍郎遲墓在縣南十六里統道護墓在  
南交趾太守聰陽羨令昭晉新安太守條陽侯道護建  
漢太守道成又載王儉姓系有漢正騰晉散騎常侍詢  
安馬都尉敬祠部郎中裕給事中夷宋書有吳郡太守  
駙馬及齊季彬竝烏程人南史冠先傑見孝義傳靈鞠  
泉之文學傳冠先有子曰惟靈鞠之父祕書監系父護  
遲見文學傳冠先有子曰惟靈鞠之父祕書監系父護

軍長史道真子遲  
 從仲孚皆烏程人

鈕姓不詳得姓之繇漢有關內侯馥而冲充皆以牧守  
 襲爵其為姓舊矣又有名綽者東漢荆兗青三州刺史  
 衡九真太守詳富春侯淑吳尚書令臨水侯瑒晉察孝  
 廉襲臨水之封戶允東遷侯淑及宋御史中丞滔墓皆  
 在郡境淑侯封臨水歿葬烏程信為吳興人瑒允嗣侯  
 滔墓同境必其後也馥冲衡綽名見吳興記王儉姓系  
 錄為淑之先亦無疑矣吳景帝有鈕后陳武宣章后本  
 亦鈕姓父景明追封廣德侯族兄洽中散大夫以二后  
 五侯之族其為著姓宜矣吳興統記載王儉姓系云鈕  
元度弘農太守關內侯食二千石兗後漢梁州牧龔關  
內侯綽字君宏荆兗青三州刺史衡字元平九真太守



詳字子明富春侯食千戶場字元嗣中散大夫新昌太守東遷侯  
食一千五百戶允字元嗣中散大夫新昌太守東遷侯  
養景明梁散騎常侍後贈特進金紫光祿大夫追封慶  
德縣侯后親族無在朝者惟本族兄洽官至中散大夫  
姓氏書止載吳興鈕涪吳中書令鈕淑墓在烏程縣西  
理寺丞約舊圖經曰吳中書令鈕淑墓在烏程縣西  
吳景帝鈕皇中丞涪墓在烏程縣西開青塘又顏真卿石柱記  
皇后葬卞山

錢姓出於大彭彭祖其後也以錢為氏彭祖四十三代  
孫漢諫議大夫錢林始居縣之梓山林孫做做孫咸咸  
曾孫讓讓七代孫彌彌十三代孫纂墓皆在縣石柱題  
誌存焉姓氏錄云讓避王莽亂徙居烏程者非也晉宋  
及陳世有王侯牧守甚眾衣冠之盛如此而陳昭皇后

亦為錢氏宜為長城著姓終生彭祖自顯帝曾孫陸  
錢府上士因官命氏焉戰國有隱士丹秦御史產居周  
邠王莽亂徙居烏程生晟又東晉青州刺史廣陵太守  
避鳳裔孫樂之末太史令居長城故望出吳興宋吳越  
守鳳裔孫樂之末太史令居長城故望出吳興宋吳越  
錢氏本杭州臨安人統記後漢富春公錢讓墓在長興  
縣西五里字德高吳郡烏程人後為散騎常侍累遷徐  
兗二州刺史封富春侯食邑五千戶贈富春公諡曰哀  
吳廬江太守盛墓在縣北五里振盛將軍廣墓在縣西  
五里晉龍驤將軍端墓在縣西五里振盛將軍廣墓在縣  
西里晉龍驤將軍端墓在縣西五里振盛將軍廣墓在縣  
軍將軍端墓在縣西五里振盛將軍廣墓在縣西  
侯肅司陽侯玄智臨海太守遷隋鍾離守遠將軍開國  
同三司謹承安侯道職唐侍御史政舊編云錢氏系出  
大彭錢鏗所封侯道職唐侍御史政舊編云錢氏系出  
代孫漢諫議大夫錢林始來長城之梓山子孫因居焉  
長城陵墓陳昭皇后錢氏陵曰嘉陵彭祖四十五代孫  
錢敬四十七代孫咸五十五代孫讓五十七代孫彌六  
三代孫墓及昌端廣墓皆在長城詳見長城縣陵墓下

右長興著姓太平寰宇記李宗諤圖經王曾九域



圖志皆曰長興著姓二曰錢曰胥胥姓攷之古今  
史傳圖志系譜在吳興者無一人焉豈傳寫筆誤  
乎

賢貴事實

陳高祖武皇帝諱霸先吳興長城下箬里人姓陳氏漢  
太王長實之後也六世孫達永嘉南遷爲長城令悅其  
山水遂家焉嘗謂所親曰此地山川秀麗當有王者興  
焉二百年後我子孫必鍾斯運達生康爲丞相掾咸和  
中土斷故爲長城人康生盱眙太守英英生尚書郎公  
弼公弼生步兵校尉鼎鼎生散騎常侍高高生懷安令  
詠詠生安成太守猛猛生太常卿道巨道巨生皇考文

纘帝少倣儻有大志長於謀略意氣雄傑事生產及  
長涉獵史籍好讀兵書明緯侯孤虛遯甲忝術多武藝  
明達果斷爲當時推服身長七尺五寸日角龍顏垂手  
過膝嘗遊義興館於許氏夢天開數丈有四人朱衣捧  
日而至納之帝口及覺腹內猶熱帝心獨喜帝嘗獨坐  
堂室有神光之異梁新喻侯蕭映爲廣州刺史常以爲  
中兵參軍尋轉爲高安太守以交州李賁僭稱天子映  
遣帝平之梁武嘉焉卽除直閣將軍太清二年侯景反  
乃率眾赴援遂受梁禪卽位後改梁太清二年爲永定  
元年國號陳在位二年崩年五十七帝雄武多英略性  
甚仁愛及居阿衡性崇寬簡雅尙儉素常膳不過數品



私饗曲宴皆瓦器蟬盤肴核庶羞裁令充足不爲虛費  
初平侯景及立景帝子女玉帛皆班將士其充闡房者  
衣不重采飾無金翠聲樂不列於前踐祚之後彌厲恭  
儉故能隆功茂德光於江左  
世祖文皇帝諱蒨始興昭烈王之長子也少沈敏有識  
量美容儀留意經史武帝甚愛之常稱吾家英秀梁太  
清初帝夢兩日鬪一大一小大者光滅墜地色正黃其  
大如斗帝三分取一懷之武帝崩卽位改元天嘉在位  
七年崩帝起自布衣知百姓疾苦國家資用務從儉約  
妙識眞僞下不容姦一夜內刺閨取外事分判者前後  
相續每雞人伺漏傳籤於殿中者令投籤於階石上鎗

然有聲云吾雖得眠亦令驚覺其自強如此

廢帝諱伯宗文帝嫡長子也文帝崩卽位改元光文帝  
柔弱無人君之器在位三年廢  
高宗孝宣皇帝諱頊始興昭烈皇第二子也生有赤色  
滿室少寬容多智略及長美容儀身長八尺二寸垂手  
過膝有勇力善騎射廢帝廢卽位改元太建在位十四  
年崩帝之在田本有恢弘之度及居尊位實允天人之  
應於時國步初弭瘡痍未復淮南之地竝入於齊帝志  
復舊境意反侵地強弱之形理則懸絕犯斯不韙適足  
爲禽及周兵滅齊乘勝而舉略地還至江際自此懼矣  
後主諱叔寶宣帝嫡長子也宣帝崩卽位改元至德在



位七年降隋以上陳朝五主共三十三年

衡陽獻王昌字敬業武帝第六子也昌容貌偉麗神情

秀朗雅性聰辨明習政事讀書一覽便誦明於義理剖

析如流南陽忠壯王休光武帝母弟也子曇朗孫方慶襲封

南陽忠壯王休光武帝母弟也子曇朗孫方慶襲封

始興昭烈王道談武帝兄也仕梁為東宮直閣將軍侯

景之亂援臺中流矢卒生文帝及宣帝八只二十七世

鄱陽王伯山字靜之文帝第三子也偉容儀舉止嫺雅

喜愠不形於色性寬厚又於諸王最長後主深敬重之

每朝廷有冠婚饗宴恆為使主及遭所主憂居喪以孝

聞後主謂羣臣曰鄱陽王至性可嘉

始興王伯茂 新安王伯固 晉安王伯恭 衡陽王

伯信 廬陵王伯仁 江夏王伯義 武陵王伯禮

永陽王伯智 桂陽王伯謀以上文帝諸王文帝十三

封王者 十人 吳興王 南王 五 永壽王 南

岳陽王叔謹字子敬宣帝第十六子也少聰敏十歲能

屬文出為湘州刺史加都督及隋師濟江清和公楊素

兵下荊州遣將龐暉略地至湘州叔慎遣人詐奉降書

於龐暉叔謹伏甲待之暉入伏兵發縛暉以徇皆斬之

始興王叔陵 豫章王叔英 長沙王叔堅 建安王

叔卿 宜都王叔明 河東王叔獻 新蔡王叔齊

晉熙王叔文 淮南王叔彪 始興王叔重 尋陽王



叔儼 義陽王叔達 巴山王叔雄 武昌王叔虞

湘東王叔平 臨賀王叔敖 陽山王叔宣 西陽王

叔穆 南安王叔儉 南郡王叔澄 沅陵王叔興

岳山王叔韶 新興王叔純 巴東王叔謨 臨海王

叔顯 新會王叔坦 新寧王叔隆 新昌王叔榮

太原王叔匡 以上宣帝諸王宣帝四十二男一人為後主八人未及封三子早卒無名封王者三人

太子深 吳興王允 南平王嶷 永嘉王彥 南海

王虔 信義王祗 邵陵王兢 會稽王莊 東陽王

恮 吳郡王藩 錢塘王恬 以上後主諸王後主二十

諸王十一人未及封太子

諸王十人未及封太子

右陳朝帝胄

並見南史

宋明宣沈太后吳興統記云武康人沈氏為文帝美人

生明帝為婕妤好明帝即位追尊皇太后按本傳諱容姬

不知何許人諡曰宣統記必有據

梁文宣阮太后吳興統記云武康人阮氏梁典云后本

姓石氏諱令嬴父靈寶寓居武康后有美色武帝拜修

容賜姓阮氏元帝即位追崇文宣太后梁陳故事武康

阮公谿石靈寶上虞人嘗寓居其女有姝色天監元年

送為露乘轉女采及生元帝拜修容賜姓阮拜靈寶為

朝請時人名其所居谿曰阮公谿靈寶以承聖二年封

武康侯谿有大青石俗謂之美人石今存按南史本傳



云會稽餘姚人在孕夢龍罩其牀生元帝父靈寶武康縣侯寓居武康信矣按曰武公靈寶以承望二神建陳武昭錢皇后長城人父曰仲方武帝先娶后早卒及武帝卽位追尊曰昭皇后南史陳紀永定元年武帝卽位追尊前夫人錢氏爲昭皇后陵曰嘉陵章皇后傳云武帝先娶同郡錢仲方女早卒後乃聘后舊圖經云嘉陵在縣北五里陳高祖錢皇后陵也而統記乃云陳高祖追尊皇妣錢氏爲昭皇后舊編云其誤又謂嘉陵爲高祖母錢氏其失甚矣按陳紀辛巳追尊皇考曰景皇帝廟號太祖皇妣董氏太夫人曰安皇后前夫人錢氏爲昭皇后癸未尊景帝陵曰瑞陵昭皇后陵曰嘉陵遂

承上皇妣字以致此誤殊不知旣以母爲太夫人妻爲前夫人分陵爲二辭意明甚又章后傳述武帝先娶錢氏其不思亦甚矣

陳武宣章皇后南史本傳諱要兒烏程人亦姓鈕父景明幼爲章氏所養因改焉后母蘇氏嘗遇一道人以龜與之光彩五色曰三年有徵及期后生而紫光照室因失龜所在后少聰慧美容儀手爪長五寸竝紅白每有期功之服則一爪先折善書計能誦詩及楚詞武帝聘后爲夫人後永定元年卽位立爲皇后武帝崩定策立文帝及卽位尊爲皇太后宮曰慈訓廢帝卽位爲太皇太后光大二年下令黜廢帝命宣帝嗣立太建二年崩



諡曰宣

陳文帝沈皇后南史本傳諱妙容武康人父法深梁大同中歸文帝文帝爲吳興太守屬侯景作亂帝與后悉爲景所收及景平高祖踐祚永定元年后爲臨川王妃文帝卽位爲皇后廢帝卽位尊爲皇太后宮曰安德陳後主沈皇后南史本傳諱婺華武康人父君理母卽武帝女會稽穆公主早卒后尙幼而毀瘠過甚爲皇太子妃後主卽位爲皇后后性端靜有識量寡嗜慾聰明強記獵涉經史工書翰父君理卒居憂處別殿哀毀踰禮時張貴妃有寵后澹然未嘗有所忌怨身居儉約衣服無錦繡之飾惟尋閱圖史及釋典爲事遇歲旱自暴

而誦經應時雨降數上書諫後主  
唐代宗睿真沈皇后唐書本傳吳興人開元末以良家子入東宮太子以賜廣平王實生德宗天寶亂失后所在代宗立以德宗爲皇太子詔訪后存亡不能得德宗卽位乃先下詔贈后曾祖士衡太保祖介福太傅父易直太師弟易良司空易直子震太尉一日封拜百二十七人詔制皆錦翠池飾以廐馬負載賜其家建中元年乃具冊前上皇太后尊號分遣諸沈行州縣物色咨訪故中官高力士女頗能言禁中事年狀差如后於是迎還上陽宮馳以聞帝喜羣臣皆賀力士子知非是具言其情詔貸之帝謂左右吾寧受百罔冀得一真於是自



謂太后者數矣及索驗皆辭窮終帝世無聞焉  
陳宣帝如錢氏南史后妃傳云吳興人宣帝居鄉里先  
娶錢氏及卽位拜貴妃甚有寵  
陳宣帝如吳氏統記云吳興人  
尊爲太妃  
隋煬帝如陳氏統記云陳後主第四女母高昭儀封廣  
德公主  
唐太宗賢妃徐氏唐書本傳太宗賢妃徐惠湖州長城  
人生五月能言四歲通論語時八歲自曉屬文父孝德  
嘗試使擬離騷爲小山篇曰仰幽巖而流盼擬桂枝以  
凝望將千齡兮此遇荃何爲兮獨往孝德大驚知不可  
掩於是所論遂盛傳太宗聞之召爲才人手未嘗廢卷  
而辭致瞻蔚文無淹思帝益禮顧擢孝德水部員外郎  
惠再遷充容貞觀末數調兵討定四夷稍稍治宮室百  
姓勞怨惠上疏極諫且言地廣者非常安之術人勞者  
乃易亂之符又言有道之君以逸逸人無道之君以樂  
樂身技巧爲喪國斤斧珠玉爲蕩心醜毒復爲詩連珠  
以見意永徽元年卒年二十四贈賢妃陪葬昭陵石室  
惠之弟齊暉齊暉之子堅皆以學聞女弟爲高宗婕妤  
亦有文藻世以擬漢班氏

以上如四人



隋秦王嬪陳氏統記云陳後主第五女長興人謝昭儀  
生封臨成公主

原本統記云長興人

嬪一人

隋文帝夫人陳氏統記云長城人宣帝第十四女母施  
氏太妃後主封寧遠長公主  
隋文帝弘政夫人陳氏統記云長城人宣帝第二十四  
女母曾美人即後主之妹封臨川長公主按南史隋文  
帝宣華夫人陳氏陳宣帝女也性聰慧姿貌無雙不言  
第幾女未知孰是

以上夫人二人

唐高宗婕妤徐氏唐太宗賢妃惠妹也賢妃傳云弟齊

暉齊暉子堅皆以學聞女弟為高宗婕妤亦有文藻世  
以擬漢班氏徐齊暉傳云長城人也子堅姊為太宗充  
容仲為高宗婕妤恥以恩進統記作太宗婕妤誤矣

婕妤一人

梁武帝淑媛吳氏統記云長城人東昏侯宮人入侍梁  
王生南昌王綜南史豫章王綜母吳淑媛在齊東昏侯  
宮人及得幸於武帝七月而生綜

淑媛一人

晉宣帝太妃施氏統記云安吉人生寧遠公主位太妃

太妃一人

右歷代后妃嬪自唐徐氏有傳外餘雖有雜出諸



傳者始末不詳統記之言當有證今茲登載  
錢林字元茂彭祖四十三代孫也漢建平中爲諫議大  
夫元始中王莽專政來隱於平望鄉陂門里梓山東造  
封郵穿港開陌俾水陸交通層屋背山高門面水疏桐  
映井密竹臨池松桂傳芳芝蘭送馥洲渚園林幽遠蒙  
密林居其中名利不干子孫因家焉  
沈戎南史云初爲九江從事說降劇賊尹良光武封爲  
海昏侯辭不就徙居會稽烏程縣餘不鄉遂家焉戎後  
爲述善侯葬金鵝山宋元嘉三年戎八代孫司空慶之  
吏部尙書曇慶五兵尙書懷明左光祿大夫孟頰等奏  
請過江捨祖宅爲寺大帝以爲述善侯有功於人同懷

其德因以懷德名寺

正騰元和姓纂云平帝時有正俊持節安撫江淮屬王  
莽篡位遂留江左吳興烏程王儉姓系云正騰光武初  
起義掌故集於南陽歷公卿二千石退棲舊鄉乃於先人

卽改塋與其弟子築城而居吳興統記云大司馬正騰  
墓在烏程縣南六里又列於儒學類  
錢讓字德高彭祖五十代孫也吳郡烏程人時吳郡太  
守薛固爲法吏所枉下獄付廷尉乃攜同郡婁縣卞崇  
詣闕稱冤廷尉囚讓等以兵人圍守苦毒備至讓恬然  
自若枉聲彌厲天子聞而奇之赦固之罪累遷散騎常  
侍廣陵太守鎮東大將軍都督九江諸軍事遷徐兗二



言志十六  
州刺史封富春侯食邑五千戶卒年六十二贈富春公  
謚曰哀天子素車臨弔哀慟給兵吏二十人加威儀還  
葬本鄉賜錢十萬黃金百鎰錦被十張與讓母趙氏統  
記云墓在長興縣西五里又云謝承後漢書云桓帝時  
也

費汎費府君碑云字仲慮此邦之人也其先季文爲魯  
大夫有功封費因氏爲姓秦項兵起避地於此遂留家  
焉府君以孝友至行聞於鄉邑仕更郡右譽諤質直在  
公履法察孝廉除郎中屯騎司馬遷蕭令視民如子先  
教後罰在仕九年百姓移風苛慝不作姦寇不發慶增  
怨銷推讓道生三年不斷獄禎祥感應時沛有蝗獨不

入界由此顯名國以上聞朝廷嘉諸拜梁相三子鳳由  
宰府至堂邑令政九江太守  
費鳳字伯簫梁相之元子言不失典術行不越矩度踐  
郡右職三貢獻計辟州試部忠以衛上漢安二年吳郡  
太守東海君以君有委蛇之節自公之操年三十一舉  
孝廉拜郎中除陳國新平長後宰堂邑熹平六年七月  
卒鳳退已進弟不營榮祿祖業良田畝直一金推與弟  
息行儀高郡  
沈瑜沈儀統記云烏程人也俱少有至行瑜十歲儀九  
歲而父亡居喪毀瘠過於成人外祖會稽盛孝章名士  
也每撫慰之曰汝竝黃中英爽終成奇器何遽逾制自



取滅性耶瑜早卒儀篤學有雅才以儒素自業時海內  
大亂經術廢弛士少全行而儀潭深隱默守道不移州  
府禮請二府交辟公車並召不屈以壽終續圖經曰當  
漢末未置郡烏程縣提封稍廣沈氏所居餘不鄉屬今  
之德清今繫烏程則失實附德清則難以預名故載之  
於郡  
許頤統記云故鄣人也頤父患惡疾醫曰啖人肉可差  
頤卽割兩股爲羹以遺父月餘果差刺史周澤奏旌表  
門閭  
右漢人漢末置郡特有烏程故鄣縣而已故名賢  
見於諸史者沈瑜沈儀曰烏程人許頤曰故鄣人

沈戎曰會稽烏程人錢讓曰吳郡烏程人者自秦  
以來烏程屬會稽永建以後始析會稽爲吳郡烏  
程屬焉讓永建以後人也錢林居梓山今梓山在  
長興費汎曰此邦之人者汎鳳父子共有三豐碑  
舊在烏程界邨落歐陽公集古錄等書俱錄碑今  
在墨妙亭洪氏隸釋云在吳興校官廳壁誤也碑  
在本郡汎鳳爲本郡之人信矣統記又載鈕姓馥  
充冲皆爲關內侯綽荆青三州刺史衡九真太守  
詳富春侯出王儉姓系沈姓彥荆州刺史霸太山  
太守裕丹陽太守出沈氏先賢傳立聰交趾太守  
昭陽羨令姚祗日南太守施咸魏郡太守俱漢時



人今故附見又舊經諸書多以隸烏程抑不攷漢之烏程尙兼長城武康界況德清歸安又續分者乎今故以時代爲別

吾粲吳志云字孔休吳郡烏程人也孫河爲縣長粲爲小吏河深奇之河後爲將軍得自選長史表粲爲曲阿丞遷爲長吏治有名蹟雖起孤微與同郡陸遜卜靜等比肩齊聲矣孫權爲車騎將軍召爲主簿出爲山陰令還爲參軍校尉黃武元年與呂範賀齊等俱以舟師拒魏將曹休於河口值天大風諸船縋絕漂沒著岸爲魏軍所獲或覆沒沈溺其大船尙存者水中生人皆攀緣號呼他吏士恐船傾沒以戈矛撞擊不受粲與黃淵

獨全船人承取之左右以爲船重必敗粲曰船敗當俱死耳人窮奈何棄之粲淵所活者百餘人遷太子太傅遭二宮之變抗言執正明嫡庶之分欲使魯王霸出駐夏口遣楊竺不得在都邑又數以消息語陸遜令時駐武昌連表諫諍由此爲霸竺等所譖害續圖經曰粲孫權時人未置郡故自寶鼎二年以前皆載於郡以後事竝見吳志

徐詳字子明烏程人孫權爲車騎將軍召與是儀胡綜俱典軍國密事魏拜權爲吳王詳爲亭侯吳志評曰是儀徐詳胡綜皆孫權之時幹興事業者也儀清恪正素詳數通使命綜文采才用各見信任譬之廣廈其榱椽



言志十六  
之佐乎  
朱治字君理丹陽故鄣人也勸策還平江東黃武元年封毘陵侯領郡如故二年拜安國將軍金印紫綬徙封故鄣權歷位上將及爲吳王治每進見權常親迎執版交拜饗宴贈賜恩敬特隆至從行吏皆得奉贄私覲其見異如此權常歎治憂勤王事性儉約雖在富貴車服惟供事權優異之自令督軍御史典屬城文書治領四縣租稅而已是時丹陽深地頗有姦叛治亦以年向老思戀土風自表屯故鄣鎮撫山越諸父老故人莫不詣門治皆引進與共飲宴鄉黨以爲榮在故鄣歲餘還吳黃武三年卒

朱才字君業治之子也爲人精敏善騎射權愛異之常侍從遊戲少以父任爲武衛校尉領兵隨從征伐屢有功捷本部議者以才少處榮貴未留意於鄉黨才乃數曰我初爲將謂跨馬陷敵當身履鋒足以揚名不知鄉黨復追迹其舉措乎於是更折節爲恭留意賓客輕財尙義施不望報又學兵法名聲始聞於遠近

朱然字義封治姊之子本姓施氏年十九後爲山陰令加折衝校尉督五縣權奇其能分丹陽爲臨川郡然爲太守授兵一千人會山賊起然平討旬月而定呂蒙病篤權問曰卿如不起誰可代者蒙對曰朱然膽守有餘愚以爲可任蒙卒權假然節鎮江陵黃武元年劉備舉



兵攻宜都然督五千人與陸遜并力拒備別攻破備然前鋒斷其後道備遂破走拜征北將軍封永安侯然長不盈七尺氣候分明內行修潔其所文采惟施軍器餘皆質素終日欽欽常在戰場臨急膽定尤過絕人雖世無事每朝夕嚴鼓兵在營者咸行裝就隊以此玩敵使不知所備故出輒有功諸葛瑾子融步騭子協雖各襲任權時復使然總爲大督及陸遜亡功臣名將存者惟然莫與比隆寢疾二年後漸增篤權晝爲減膳夜爲不寐中使醫藥口食之賜相望於道然每遣使表疾病有息權輒召見口自問訊入賜酒食出送布帛自創業功臣疾病權意之所鍾呂蒙凌統最重然其次矣

朱績字公緒以父任爲郎後拜建中都尉叔父才卒績領其兵隨太常潘濬討五谿以膽力稱遷偏將軍營下督領盜賊事持法不傾魯王霸注意交績嘗至其廨就之坐欲與結好績下地住立辭而不當然卒績襲業拜平魏將軍樂鄉督

姚信吳興武康人也深於天文學仕至太常造昕天論計昭王儉姓系云昭字叔明吳黃武中爲車騎將軍至歸命侯荒暴迺隱居禺山晉宣帝徵召不起姚翁仲武康人種瓜灌園以供衣食鄉里崇之號曰長者或有饋遺一無所受不得已而受卽轉惠見吳書

右吳人吳寶鼎中始置郡寶鼎以前尙仍漢也故



吾粲傳曰吳郡烏程人朱治傳曰丹陽故鄣人漢初平中始分烏程置永安晉太康中改曰武康吳有永安未有武康姚信曰武康人者蓋信爲陳姚察之祖察武康人故因仍而言之耳統記又載鈕淑尚書令太史亨零陵太守太史淑中書侍郎丁固會稽郡公沈佃長秋卿姚萇寧浦太守俱吳時人今復附見

吳商吳興故鄣人字彥聲太康三年分故鄣立長城縣因爲長城人學通五經百氏徵爲東宮校書郎四方學者擔簦負笈不可勝數時人服焉歷官至侍中見統記王談晉書云吳興烏程人也年十歲父爲鄰人竇度所

殺談陰有復讎志而懼爲度所疑寸刃不畜日夜伺度未得至年十八乃密市利鍤陽若耕鋤者度常乘船出入經一橋下談伺度行還伏草中度旣過談於橋上以鍤斬之應手而死旣而歸罪有司太守孔巖義其孝勇列上宥之巖諸子爲孫恩所殺無嗣談乃移居會稽修理巖父子墳墓盡其心力後太守孔欽奇其義行元興三年舉談爲孝廉時人稱其得人談不應召終於家潘綜吳興烏程人也孫恩之亂妖黨攻破卮邑綜與父驃共走避賊驃年老行遲賊轉逼驃語綜我不能去汝走可脫幸勿俱死驃困乏坐地綜迎賊叩頭曰父年老乞賜生命賊至驃亦請賊曰兒年少自能走今爲老



子不去老子不惜死乞活此兒賊因斫驃綜抱父於膝  
下賊斫綜頭面凡四創綜當時悶絕有一賊從旁來相  
謂曰卿欲舉大事此兒以死救父云何可殺殺孝子不  
祥賊乃止父子竝得免鄉人祕書監之系祖廷尉沈赤  
黔以綜異行薦補左戶令史除遂昌長歲滿還家太守  
王韶之臨郡發教列上州臺陳其行迹及將行設祖道  
贈以四言詩元嘉四年有司奏改其里爲純孝里蠲收  
租布三世

沈勁字世堅吳興武康人也父充爲部曲將吳儒所殺  
勁當坐誅鄉人錢舉匿之得免其後竟殺讎人勁少有  
節操哀父死於非義志欲立勳以雪先恥年三十餘以  
刑家不得仕進郡將王胡之深異之及遷北平將軍司  
州刺史將鎮洛陽上疏曰吳興男子沈勁清操著於鄉  
邦貞固足以幹事且臣今求之武士故吳興人最多若  
令勁參臣府事者郡人旣悅義附亦眾詔聽之勁旣應  
命胡之以疾病解職升平中慕容恪侵逼山陵時冠軍  
將軍陳祐守洛陽眾過二千勁自表求助祐效力因以  
勁補冠軍長史令自募壯士得千餘人以助祐擊賊頻  
以寡制眾而糧盡援絕祐懼不能保全會賊寇許昌祐  
因以救許昌爲名興寧二年留勁以五百人守城祐率  
眾而東會許昌已沒祐因奔崖隴勁志欲致命欣獲死  
所尋爲恪所攻城陷被執神氣自若恪奇而將宥之其



中軍將軍慕容虔曰勁雖奇士觀其志度終不爲人用  
今若赦之必爲後患遂遇害恪還從容言於慕容暉曰  
前平廣固不能濟羣黎今定洛陽而殺沈勁實有媿於  
四海朝廷聞而嘉之贈東陽太守子赤黔爲大長秋赤  
黔子叔任義熙中爲益州刺史

沈警字世明惇篤有行業後將軍謝安命爲參軍甚相  
欽異警內足於財爲東南豪士無進仕意謝病歸安固  
留不止還家積載以素業自娛將軍王恭鎮京口後引  
爲參軍手書勤懇苦相招致不得已而應之尋復謝去  
沈田子吳興武康人也字敬先後武帝剋京口進平建  
業參鎮軍事封營道縣五等侯義熙十二年武帝北伐

田子與順陽太守傅宏之各領別軍從武陽入屯據青  
泥姚泓將自禦大軍慮田子襲其後欲先平田子然後  
傾國東出乃率步騎數萬奄至青泥田子本爲疑兵所  
領裁數百欲擊之傅宏之曰彼眾我寡難可與敵田子  
曰師費用奇不必在眾宏之猶固執田子曰眾寡相傾勢  
不兩立若使賊圍旣固人情喪沮事便去矣及其未整  
薄之必剋所謂先人有奪人之志也便獨率所領鼓譟  
而進賊合圍數重田子乃棄糧毀舍躬勒士卒前後奮  
擊賊眾一時潰散所殺萬餘人得泓僞乘輿服御武帝  
表言其狀長安旣平武帝譙於文昌殿舉酒賜田子曰  
咸陽之平卿之功也卽以咸陽相賞卽授咸陽始平二



郡太守

沈林子字敬士田子弟林子少有大度年數歲隨王父在京口王恭見而奇之曰此兒王子師之流也嘗與貴人共見遺寶咸爭趨之林子直去不顧年廿三遇家禍既門陷妖黨兄弟並應從誅而沈預家甚富強志相陷滅林子兄弟沈伏山澤無所投厝會孫恩屢出會稽武帝致討林子乃自歸陳情率老弱歸罪請命乃流涕哽咽三軍爲之感動帝甚奇之乃載以別船遂盡室移京口帝分宅給焉林子博覽眾書留心文義從剋京口進平東邑時年十八身長七尺五寸沈預慮林子爲害常披甲持戈至是林子與兄田子還東報讎五月夏節日

至預正大集會弟子盈堂林子兄弟挺身直入斬預首男女無論長幼悉屠之以預首祭父祖墓武帝伐姚泓參征西將軍事林子禦之連戰皆捷帝至闕鄉姚泓埽境內兵屯嶢柳時田子自武關北入屯軍藍田泓自率大眾攻之帝慮眾寡不敵遣林子步自秦嶺以相接援比至泓已破走田子欲窮追進取長安林子止之曰往取長安如指掌爾復剋賊城便爲獨平一國不賞之功也田子乃止林子威震關中豪右望風請附帝以林子田子綏略有方頻賜書褒美時武帝以方隅未靖復欲親戎林子固諫帝答曰吾轍當不復自行帝踐位以佐命功封漢壽縣伯固讓不許永初二年卒



正昂晉書云昂字公表吳興人家貧好學不暇就業乃織畚以自給將至餼舍值鄰人盜刀潛步自匿專心儒行與其弟給事中夷太守矩竝以孝行著名當時謂之三正

吳慶之晉書云慶之字文悅吳興烏程人也江夏王義恭召爲西曹書佐不就義恭被誅慶之不肯仕終身蔬食後王蘊爲吳興太守召爲功曹亦不就

右晉人晉太康中始改永安爲武康故沈勁沈田子傳曰武康人其他賢貴自姚沈正鈕錢之著姓者附見各姓之下外有殷姓太子太傅迪始興王師上黨都尉躋丹陽尹融吳興太守康吳姓征虜

將軍綜黃門侍郎楷多見統記諸書

孫法宗南史云一名宗之吳興人也父隨孫恩入海滙被害屍骸不收母兄竝餓死法宗年小流迸至十六方得還單身勤苦霜行草宿營辦棺槨造立冢墓葬送母兄儉而中禮以父屍不測入海尋求聞世閒論是至親以血瀝骨當悉凝浸乃操刀沿海見枯體則割肉灌血如此十餘年臂脛無完皮血肉枯竭終不能逢遂縗經終身常居墓所山禽野獸皆悉馴附每麕鹿觸網必解放之償以錢物後忽苦頭創夜有女人至曰我是天使來相謝行創本不關善人使者遠相及取牛鼻煮傅之卽驗一傳便差一境賴之終身不娶饋遺無所受以後



事竝見南史

王傑字偉時吳興烏程人也十四遭喪以熟菜有味不嘗於口歲餘忽夢見母曰死止是分別耳何事乃爾茶苦汝噉生菜遇蝦蟆毒靈牀前有三丸藥可取服之傑驚起果得甌甌中有藥服之下蚪子數升王氏世保此甌大明七年災火焚失之

張敷吳興故鄣人也生而母歿年十許歲求母遺物而散施已盡惟一畫扇乃緘錄之每至感思輒開篋涕泗好讀道書能屬文高祖見而奇之以爲世子中軍參軍數見引接

沈懷文字思明吳興武康人也祖寂晉光祿勳父宣新安太守懷文少好玄理善爲文章爲楚昭王二妃記見稱於世爲江夏王義恭東閣祭酒丁父憂新安郡送故豐厚奉終禮畢餘悉班之親戚一無所留武帝聞而嘉之賜奴婢六人大明中入爲侍中時游幸無度太后六宮常乘副車在後懷文與王景文每諫不宜亟出後因從坐松樹下風雨甚驟景文曰卿可以言矣懷文曰獨言無維宜相與陳之江智深臥草側亦謂之善俄而被召俱入雉場懷文曰風雨如此非聖人所宜景文又曰懷文所啟宜從智深未及有言上方注弩作色曰卿欲效顏竣耶又曰顏竣小子恨不得鞭其面上每宴集在坐者咸令沈醉懷文素不飲酒又不好戲上謂故欲異



已謝莊嘗戒懷文曰卿每與人異亦何可久懷文曰吾少來如此豈可一朝而變非欲異物性之所不能耳懷文三子淡深沖

沈沖字景綽涉獵文義仕宋歷位撫軍正佐兼記室及父懷文得罪被繫沖兄弟行謝情哀貌苦見之者傷之沖與兄淡深名譽有優劣世號爲腰鼓兄弟淡深竝歷御史中丞兄第三人皆爲司直晉宋所未有也中丞按裁之職被惡者多結怨永明中深彈吳興太守袁彖建武中彖從弟昂爲中丞到官數日奏彈深子續父在儼白幘車免官禁錮沖母孔氏在東鄰家失火疑爲人所焚熱大呼曰我三兒皆作御史中丞與人豈有善者方

恐肌分骨散何但焚如

沈曇慶懷文從父兄也父發員外散騎侍郎曇慶仕宋位尚書左丞時歲有水旱曇慶議立常平倉以救人急文帝納其言而事不行曇慶謹實清正所莅有稱績常謂子弟曰吾處世無才能惟作大老子耳世以長者稱之卒於祠部尚書

沈叔任吳興武康人赤黔子也少有幹質朱齡石伐蜀爲齡石建威府司馬平蜀之功亞於元帥以功封新寧縣男後拜益州刺史卒子演之

沈演之年十一尚書僕射劉柳見而奇之曰此童終爲令器沈氏家世爲將而演之折節好學日讀老子百遍



以義理業尙知名襲父別爵吉陽縣五等侯舉秀才爲  
嘉興令有能名元嘉中加侍中上欲伐林邑朝臣多不  
同惟廣州刺史陸微與演之贊成上意及林邑平賜羣  
臣黃金生口銅器等物演之所得偏多上謂曰廟堂之  
謀卿參其力平此遠夷未足多建第上清舊都鳴鑾東  
岱不憂山河之不開也性好舉才申濟屈滯而謙約自  
持帝賜女伎不受暴卒文帝痛惜贈金紫大夫諡曰貞  
子睦位黃門侍郎演之兄子坦之仕齊爲都官郎坦之  
子顓

沈顓字處黔幼清靜有志行慕黃叔度徐孺子之爲人  
讀書不爲章句著述不尙浮華常獨處一室人罕見其  
面從叔勃貴顯每還吳興賓客填謁顓不至其門勃就  
之顓送迎不越閫勃歎曰吾乃今知貴不如賤也顓內  
行甚修事母兄孝友兄昂一名顓亦退素以家貧仕爲  
始安令兄弟不能相離相隨之任顓素不事家產及昂  
卒逢齊末兵荒與家人并日而食或有饋其梁肉者閉  
門不受唯采葍苳根供食以樵采自資怡然不改其樂  
沈憲演之從祖弟子也祖說道巴西梓潼二郡太守父  
璞之北中郎將參軍憲少有幹局爲駕部郎宋明帝與  
憲恭謂曰卿廣州刺史才也補烏程令甚著政績太守  
褚彥回歎美以爲方員可施少府管掌煩冗材幹者並  
更其職憲以吏能累遷少府卿武陵王曄爲會稽以憲



爲左軍司馬齊高帝以山陰戶眾欲分爲兩縣武帝啟  
曰縣豈不可御但用不得人耳乃以憲帶山陰令政聲  
大著孔珪請假東歸謂人曰沈令料事特有天才  
沈麟士字彥禎吳興武康人也祖膺期晉大中大夫父  
虔之宋樂安令麟士幼而俊敏年七歲聽叔父岳言玄  
賓散言無所遺失岳撫其肩曰若斯文不絕其在爾乎  
及長博通經史存高尚之志親亡居喪盡禮服闋忌日  
輒流涕彌旬居貧織簾誦書口手不絕鄉里號爲織簾  
先生嘗爲人作竹誤傷手便流淚而還同作者謂曰此  
不足損何至涕零答曰此本不痛但遺體毀傷感而悲  
耳嘗行路鄰人認其所著屐麟士曰是卿屐耶卽跣而

反鄰人得屐送前者還之麟士曰非卿屐耶笑而受之  
宋元嘉末文帝令僕射何尚之鈔撰五經訪舉學士縣  
以麟士應選不得已至都尚之深相接及至尚之謂子  
偃曰山藪故多奇士沈麟士黃叔度之流也豈可澁清  
滑濁邪汝師之隱居餘不鄉吳羌山講經教授從學士  
數十百人各營屋宇依止其側時人爲之語曰吳羌山  
中有賢士開門教授居成市麟士重陸機連珠每爲諸  
生講之征北張永爲吳興請麟士入郡麟士聞郡後堂  
有好山水卽戴安道游吳興因古墓爲山池欲一觀之  
乃往停數月永欲請爲功曹麟士曰明府德履冲素留  
心山谷是以被褐負杖忘其疾病必欲飾渾沌以蛾眉



冠越客以文冕走雖不敏請附高節有蹈東海死耳不  
忍受此黥劓永乃止麟士無所營求以篤學爲務恆憑  
素几鼓素琴不爲新聲負薪汲水并日而食守操終老  
讀書不倦遭火燒書數千卷年過八十耳目猶聰手鈔  
寫火下細字書復成二三千卷滿數十篋時人以爲養  
身靜默所致製墨蝶賦以寄意著周易兩繫莊子內篇  
訓注易經禮記春秋尙書論語孝經喪服老子要略數  
十卷梁天監中卒於家年八十五以楊王孫皇甫謐深  
達生死而終禮矯俗乃自爲終制遺令氣絕剔被取三  
幅布以覆屍及歛仍移布於屍下以爲歛服反被左右  
兩際以周上不覆製覆被不須沐浴含珠以本裙衫先

著綉凡二服上加單衣幅巾屐枕棺中惟依此旣殯不  
復立靈座四節及祥權鋪地子地以設元酒之奠人家  
相承漆棺今不復爾亦不須旣成服後卽葬作冢令小  
後耐更作小冢於殯合葬非古也葬不須聚土成墳使  
上與地平王祥終制亦爾葬不須轎車靈舫魁頭也不  
得朝夕下食祭奠之法至於葬唯清水一杯子彝奉而  
行之州鄉皆稱歎焉

沈道虔吳興武康人也少仁愛好老易居縣北石山下  
孫恩亂後饑荒縣令庾肅之迎出縣南廢頭里爲立宅  
臨谿有山水可玩時復還石山精廬與孤兄子共釜庾  
之資困不改節受琴於戴逵王敬弘深貴重之郡州府



凡十二命皆不就有人竊其園菜外還見之仍自逃隱待竊者去後乃出人有拔屋後大筍令人止之曰惜此筍欲令成林更有佳者相與乃令人買大筍送與之盜者慚不取道虔使置其門內而還常以捃拾自資同捃者或爭穢道虔諫之不止悉以其所得與之爭者媿慙後每事輒云勿令居士知

沈慶之字弘光吳興武康人少有志力晉末孫恩作亂使其眾寇武康慶之未冠隨鄉族擊之屢捷由是以勇聞元嘉十九年雍州刺史劉道產卒郡蠻大動征西司馬朱修之討蠻失利以慶之爲建威將軍率眾助修之失律下獄慶之專將進討大破緣沔諸蠻後爲孝武撫

軍中兵參軍孝武以本號爲雍州隨府西上征蠻寇屢有功還都復爲廣陵王誕北中郎中兵參軍加建威將軍南濟陰太守雍州蠻又爲寇慶之以將軍太守復隨王誕入沔伐沔北諸山蠻大破之威震諸山羣蠻皆稽顙慶之患頭風好著狐皮帽羣蠻惡之號曰蒼頭公每見慶之軍輒畏懼曰蒼頭公已復來矣慶之引軍出前後破降甚眾又討犬羊諸山蠻緣險作重城施門櫓甚峻慶之連營山下營中開門相通又令諸軍各穿池於營內朝夕不外汲兼以備蠻之火頃之風甚蠻夜下山人提一炬燒營火至輒以池水灌滅之蠻被圍守日久並飢乏自後稍出歸慶之前後所獲蠻並移都下以爲



營戶二十七年遷太子步兵校尉其年文帝將北侵慶之諫曰道濟再行無功彥之失利而反今料王玄謨等未踰兩將恐重辱王師上曰王師再屈別有所由道濟養寇自資彥之中途痰動虜所恃唯馬夏水浩大泛舟濟河碻磈必走滑臺小戍易可覆拔剋此二戍館穀弔人武牢洛陽自然不固慶之固陳不可時丹陽尹徐湛之吏部尚書江湛竝在座上使湛之等難慶之慶之曰爲國譬如家耕當問奴織當問婢陛下今欲伐國而與白面書生輩謀之事何由濟上大笑及軍行慶之副玄謨進圍滑臺慶之與蕭斌留守碻磈仍領斌輔國司馬玄謨攻滑臺積旬不拔魏太武大軍南向斌遣慶之將

五千人救玄謨慶之曰少軍輕往必無益也會玄謨退還斌將斬之慶之諫乃止蕭斌以前驅敗績欲絕死固碻磈慶之以爲不可會制使至不許退諸將竝謂宜留斌復問計於慶之慶之曰閩外之事將所得專制從遠來事勢已異節下有一范增而不能用空議何施斌及坐者皆笑曰沈公乃更學問慶之厲聲曰衆人雖見古今不如下官耳學也玄謨自以退敗求成碻磈斌乃還歷城申坦垣護之共據清口慶之奔驛馳歸二十九年師復行慶之固諫不從以立議不同不使北出慶之居清明門外有宅四所室宇甚麗又有園舍在婁湖慶之一夜攜子孫徙居之以宅還官悉移親戚中表於婁湖



列門同開焉廣開田園之業每指地語人曰錢盡在此  
中興身享大國家素富厚產業累萬金奴僮千計再獻  
錢千萬穀萬斛以始興封優近求改封南海郡不許伎  
妾十數人竝美容工藝慶之優游無事盡意歡愉自非  
朝賀不出門每從游幸及校獵據鞍陵厲不異少壯太  
子妃上孝武金鏤七筋及孟杓上以賜慶之曰觴酌之  
賜宜以大夫爲先也上嘗歡飲普令羣臣賦詩慶之麤  
有口辨手不知書每將署事輒恨眼不識字上逼令作  
詩慶之曰臣不知書請口受師伯上令顏師伯執筆慶  
之於口受之曰微生遇多幸得逢聖運昌朽老筋力盡  
徒步還南岡辭榮此聖世何媿張子房上甚悅眾坐竝

稱其辭意之美前廢帝卽位加慶之几杖給三望車一  
乘慶之每朝賀常乘豬鼻無幟車左右從者不過三五  
騎履行田園每農桑劇日無人從行遇之者不知三公  
也及加三望車謂人曰我每游履田園有人時與馬成  
三無人則與馬成二今乘此車安所之乎及賜几杖竝  
固讓柳元景顏師伯嘗詣慶之會其游田元景等鳴笳  
列卒滿道慶之獨與左右一人在田見之悄然改容曰  
夫貧賤不可居富貴亦難守吾與諸公竝出貧賤因時  
際會榮貴至此唯當共思損挹之事老子八十之年目  
見成敗者已多諸君炫此車服欲何爲乎於是插杖而  
芸不爲之顧元景等徹侍褰裳從之慶之乃與相對爲



歡慶之既通貴鄉里者舊素輕慶之者後見皆膝行而前慶之曰是故昔時沈公廢帝狂悖無道慶之猶盡言諫諍乃遣其從子攸之齋藥賜死時年八十慶之羣從姻戚由慶之在列位者數十人長子文叔位侍中慶之之死不肯飲藥攸之以被掩殺之文叔密取其藥藏錄乃飲藥自殺文叔子昭明位祕書郎聞父死曰何忍獨生亦自縊死

沈昭略字茂隆昭明之弟也永元中與叔父文季俱被召入華林省茹法珍等進藥酒昭略怒罵徐孝嗣曰廢昏立明古今合典宰相無才致有今日以甌投其面曰使爲破面鬼死時言笑自若了無懼容徐孝嗣謂曰見

卿使人想夏侯太初答曰明府猶憶夏侯便是方寸不能多豁下官見龍逢比干欣然相對霍光脫問明府今日之事何辭答之耶昭略弟昭光聞收兵至家人勸逃去昭光不忍捨母入執母手悲泣遂見殺昭明子曇亮已得逃去聞昭光死乃曰家門屠戮獨用生何爲又絕吭而死時人歎其累世孝義

沈文季字仲達文叔弟也以寬雅正直見知位中書郎父慶之遇害諸子見收文叔謂之曰我能死爾能報遂自殺文季揮刀馳馬去收者不能追遂免昇明元年沈攸之反齊高帝加文季冠軍將軍督吳興錢塘軍事初慶之之死也攸之求行至是文季收攸之弟新安太守



言志十六  
登之誅其宗族以復舊怨親黨無吹火焉君子以文季能報先恥

正泉之宋書云泉之吳興烏程人博學有才識著文章一百卷行於代歷龍鄉縣侯吳郡太守

吳達吳興人也經荒饑疾病闔門死者十有三人達時亦病篤其喪皆鄉里以葦席裹而埋之達夫妻既存家極貧窘冬無衣被晝則傭債夜燒磚甃晝夜在山未嘗休止遇毒蟲猛獸輒下道避之期年成七墓十三棺時有贈賻一無所受太守張崇義以羔羊之禮禮焉卒於家南史作吳興烏程人統記云又見宋略

右宋人

沈昇之南史吳興人也爲丹陽尹徐孝嗣故吏謂徐孝嗣曰昇之與君俱有項領之功今一言而二功俱解豈願聞之乎君受恩二祖而更參維新之政以君爲反覆人事成則無處逃咎矣昇之草萊百姓言出禍已隨之孰與超然謝病高枕家園則與松柏比操風霜等烈豈不美耶孝嗣改容謝之

正仲起字子震吳興人也爲晉平太守清廉自立褚彥回歎曰目見可欲心不能亂此楊公所以遺子孫也仲起位至廷尉卒

正冠先字道玄吳興烏程人也少有節義齊永明中位給事中時求使蠕蠕國尙書令王儉言冠先雖名位未



升而行義甚重若爲行人則蘇武鄭眾之流於是使蠕蠕逼令拜冠先執節不從以刃臨之冠先曰能殺我者蠕蠕也不能以天子使拜戎狄者我也遂見殺武宗以冠先不辱命賜其子雄錢一萬布三千匹

止靈鞠吳興烏程人也祖系祕書監父道真護軍長史靈鞠少好學善屬文宋孝武殷貴如亡靈鞠獻挽歌三首雲橫廣階閣霜深高殿寒帝摘句嗟賞褚彥回爲吳興太守謂人曰此郡才士唯有止靈鞠及沈勃耳嘗還東詣司徒褚彥回別彥回不起曰比脚疾更增不復能起靈鞠曰脚疾亦是大事公爲一代鼎臣不可復爲覆餗其疆切如此武帝卽位爲通直常侍尋領東觀祭酒

靈鞠曰人居官願數遷使我終身爲祭酒不恨也著江左文章錄序起太興訖元熙文集行於時子遲

止遲字希範八歲便屬文靈鞠嘗謂氣骨似我爲中書侍郎卒遲辭彩麗逸時有鍾嶸著詩評云范雲婉轉清便如流風回雪遲點綴映媚似落花依草雖取賤文通而秀於敬子其見稱如此

止仲孚字公信靈鞠從孫也少好學讀書常以中宵鐘鳴爲限靈鞠常稱爲千里駒也齊永明初爲國子生王儉曰東南之美復見止生爲山陰令居職甚有聲稱百姓謠曰二傅沈劉不如一止前世傅琰父子沈憲劉玄明相繼宰山陰並有政績言仲孚皆過之梁武帝踐祚



復爲山陰令仲孚長於發摘善適權變吏人敬服號稱  
神明治爲天下第一累遷豫章內史在郡更厲清節頃  
之終詔贈給事中黃門侍郎喪將還豫章老幼號哭攀  
送車輪不得前仲孚爲左丞撰皇典二十卷南宮故事  
百卷又撰尚書具事雜儀行於世  
正寂之字德元吳興烏程人年十七爲州西曹兼直主  
簿刺史王彧行夜還前驅已至而寂之不肯開門曰不  
奉墨旨或乃於車中爲教然後開或歎曰不意郅君章  
近在閣下卽轉爲主簿專以廉潔御下於時丹陽縣令  
沈嶢之以清廉抵罪寂之聞之曰清吏真不可爲也政  
當處季孟之間乎

太史叔明吳興烏程人太史慈後也少善莊老兼通孝  
經論語禮記尤精三玄每講說聽者常五百餘人爲國  
子助教邵陵王綸好其學及出爲江州掾叔明之鎮王  
遷郢州又隨府所至輒講授故江州人士皆傳其學  
沈嶢之吳興武康人也性疏直爲丹徒縣令自以清廉  
不事左右浸潤日至遂鎖繫尙方歎曰一見天子足矣  
上召問曰復欲何陳答曰臣坐清所以獲罪上曰清復  
何以獲罪曰無奉承要人上曰要人爲誰嶢之以手板  
四面指曰此赤衣諸賢皆是若臣得更鳴必令清譽日  
至嶢之雖危言上亦不責後知其無罪重除丹陽令入  
縣界吏人候之謂曰我今重來當以人肝代米不然清



名不立  
沈瑀字伯瑜吳興武康人也父昶事宋建平王景素景素謀反昶先去之及敗坐繫之獄瑀詣臺陳請得免罪司徒竟陵王子良聞瑀名引爲府行參軍領揚州部傳從事時建康令沈徽恃勢豪瑀瑀以法繩之眾憚其強子良甚相知賞雖家事皆以委瑀子良薨瑀復事刺史始安王遙光常使送人丁速而無怨遙光謂使吏曰爾何不學沈瑀所爲乃令瑀專知州獄事湖熟縣方山埭高峻冬月公私行旅以爲艱明帝使瑀行修之瑀乃開四洪斷行客就作三日便辦揚州書佐私行詐稱州使不肯就作瑀鞭之四十書佐歸訴遙光遙光曰沈瑀必

不枉鞭汝覆之果有詐明帝復使瑀築赤山塘所費減材官所量數十萬帝益善之爲建德令教人一箇種十五株桑四株柿及梨栗女子丁半之人咸懽悅頃之成林帝卽位雲深薦瑀自旣陽令擢兼尙書右丞時天下初定陳伯之言瑀旣督運輸軍國獲濟帝以爲能遷尙書駕部郎兼右丞如故瑀薦族人沈僧隆僧照有吏幹帝竝納之以母憂去職起爲餘姚令縣大姓虞氏千餘家請謁如市前後令長莫能絕自瑀到非訟訴無所通以法繩之縣南有豪族數百家子弟縱橫遞相庇蔭厚自封植百姓甚患之瑀召其老者爲石頭倉監少者補縣僮皆號泣道路自是權右屏迹瑀初至富吏皆鮮衣



美服以自彰別瑀怒曰汝等下縣吏何得自擬貴人悉使著芒履麤布侍立終日足有蹉跌輒加榜捶瑀微時嘗至此鬻瓦器爲富人所辱故因以報焉後爲安南長史尋陽太守江州刺史曹景宗卒仍爲信威蕭穎達長史太守如故瑀性屈強每忤穎達穎達銜之天監八年因入諮事辭又激烈穎達作色曰朝廷用君作行事邪瑀出謂人曰我死而後已終不能傾側面從是日於路爲人所殺多以穎達害焉子續累訟之遇穎達尋卒事不窮竟續乃布衣蔬食終其身

王文殊字令章吳興故鄣人也父沒魏文殊思慕泣血終身蔬食不衣帛服麻縕而已歲時伏臘月朝十五未嘗不北望長悲如此三十餘年太守孔琇之表其行改其居爲孝行里

右齊人

正師施南史云吳興人以廉潔稱罷臨安縣還唯有二十籠簿書竝是食庫券帖當時以此范述曾位至臺郎吳筠字叔庠吳興故鄣人好學有俊才文體清拔好事者或數之謂爲吳筠體柳惲爲吳興召補主簿日引與賦詩

沈浚字叔源吳興武康人也祖憲浚少涉學有材幹仕梁歷山陰吳建康三縣竝有能名太清二年累遷御史中丞時臺城爲侯景所圍外援竝至景表請和簡文使



談志十一  
浚往景所景曰卽日向熱非復行時政欲立效求停君  
可見爲申聞浚曰大將軍此意意在得城下風所聞久  
已乏食城內雖困尙有兵糧朝廷恐和好乖貳已密敕  
外軍若臺城傾覆勿以二宮爲念當以死雪恥若不能  
決戰當深壁自守大將軍十萬之衆將欲何資景橫刀  
於膝瞑目叱之浚乃正色責景曰河南王人臣而舉兵  
向闕今朝廷已赦王罪結盟口舌未乾而復翻背沈浚  
六十之年且天子使也奉命而行何用見勝徑去不顧  
景歎曰眞司直也

沈崇儔字思整吳興武康人也父懷明宋兗州刺史崇  
儔六歲丁父憂哭踊過禮及長事生母至孝家貧常傭  
書以養天監二年太守柳惲辟爲主簿崇儔從惲到郡  
還迎其母未至而母卒崇儔以不及侍疾將欲致死水  
漿不入口晝夜號哭旬月殆將氣絕兄弟謂曰殯葬未  
申遽自毀滅非全孝道也崇儔心悟乃稍進食母權瘞  
去家數里哀至輒之瘞所不避雨雪每倚墳哀慟飛鳥  
翔集夜恆有猛獸來望之有聲狀如歎息者家貧無以  
遷厝乃行乞經年始獲葬焉旣而廬於墓側自以初行  
喪禮不備復於葬後更行服三年久食麥屑不噉鹽酢  
坐臥於單薦因虛腫不能起郡縣舉至孝梁武聞卽遣  
中書舍人慰勉之乃詔令釋服擢補太子洗馬旌其門  
閭崇儔奉詔釋服而涕泣如居喪固辭不受官乃除永



寧令自以祿不及養哀思不自堪未至縣卒

沈峻字士嵩吳興武康人也家世農夫至峻好學與舅太史叔明師事宗人沈麟士門下積年晝夜自課睡則以杖自擊其篤志如此遂博通五經尤長三禮爲國子助教兼五經博士於館講授聽者常數百人及中書舍人賀琛奉敕撰梁官乃啟峻及孔子祛補西省學士助撰錄書成入兼通中書通事舍人出爲武康令卒官峻子文阿

沈文阿字國衛性剛強有膂力少習父業研精章句祖舅太史叔明舅王慧興竝通經術而文阿頗傳之又傳采先儒異同自爲義疏通三禮三傳位五經博士梁簡文引爲東宮學士及撰長春義記多使文阿撮異聞以廣之紹泰元年入爲國子博士尋領步兵校尉兼掌儀禮自太清之亂臺閣故事無有存者文阿父峻梁武帝時常掌朝儀頗有遺橐於是斟酌裁撰禮度皆自出之及陳武帝受禪文阿輒棄官還武康帝大怒發使往誅之時文阿宗人沈恪爲郡請使者寬其死卽面縛鎖頸致於上前上視面而笑之曰腐儒復何爲者遂赦之所撰儀禮八十餘條春秋論語禮記孝經義記七十餘卷經典大義十八卷竝行於時儒者多傳其學

沈約字休文吳興武康人也少篤志好學晝夜不釋卷母恐其以勞生疾常遣減油滅火而晝所讀夜輒誦之



遂博通羣籍善屬文濟陽蔡興宗聞其才而善之及爲郢州引爲安西外兵參軍兼記室興宗嘗謂諸子曰沈記室人倫師表宜善師之及爲荊州又爲征西記室帶關西令齊初爲征虜記室帶襄陽令所奉主卽齊文惠太子太子入居東宮爲步兵校尉管書記直永壽省校四部圖書時東宮多士約特被親遇每旦入見景斜方出時王侯到宮或不得進約每以爲言太子曰吾生平嬾起是卿所悉得卿談論然後忘寢卿欲我速興可恆早入梁武帝在西邸與約遊舊建康城平引爲驃騎司馬帝曰我起兵於今三年矣功臣諸將實有其勞然成帝業者乃卿與范雲也梁臺建爲散騎常侍吏部尙書

兼右僕射及受禪爲尙書僕射封建昌縣侯又拜約母謝氏爲建昌國太夫人奉策之日吏部尙書范雲等二十餘人咸來致拜朝野以爲榮約性不飲酒少嗜慾雖時遇隆重而居處儉素立宅東田矚望郊阜嘗爲郊居賦以序其事尋加特進遷中軍將軍丹陽尹侍中特進如故十三年卒官年七十三諡曰隱約左目重瞳子腰有紫志聰明過人好墳籍聚書二萬卷都下無比少時常以晉氏一代竟無全書年二十許便有撰述之意宋泰始初征西將軍蔡興宗爲啟明帝有敕許焉自此踰二十年所撰之書方就凡一百餘卷條流雖舉而采綴未周永明初遇盜失第五帙又齊建元四年被策撰國



史永明二年又兼著作郎撰次起居注五年春又被敕撰宋書六年二月畢功表上之其所撰國史爲齊記二十卷天監中又撰梁武記十四卷又撰邇言十卷諡例十卷文章志三十卷文集一百卷皆行於世又撰四聲譜以爲在昔詞人累千載而不悟而獨得胸襟窮其妙旨自謂入神之作武帝雅不好焉嘗問周捨曰何謂四聲捨曰天子聖哲是也然帝竟不甚遵用

沈旋字士規約之子也襲爵位司徒右長史太子僕射以母憂去官因蔬食辟穀服除猶絕秬粱終於南康內史

沈眾字仲興旋之弟也好學頗有文辭仕梁爲太子舍

人時梁武帝制千文詩衆爲之注解與陳郡謝景同時召見於文德殿帝令衆爲竹賦賦成奏之手敕答曰卿文體翩翩可謂無忝爾祖累遷太子中書舍人

沈恪字子恭吳興武康人也深沈有幹局文帝襲東陽州刺史張彪以恪監吳興郡武帝受禪時恪自吳興入朝武帝使中書舍人劉師知引恪令勒兵入因衛敬帝如別宮恪排闥入見武帝叩頭謝曰恪身經事蕭家來今日不忍見此事寧受死爾決不奉命武帝嘉其意不復逼宣帝卽位除平越中郎將都督廣州刺史恪未至嶺前刺史歐陽紇舉兵拒險不得退兵荒之後爲特進金紫光祿大夫卒



沈炯字初明吳興武康人也祖瑀梁尋陽太守父續王府記室參軍炯少有俊才爲當時所重仕梁爲尚書左戶侍郎魏剋荊州被虜甚見禮遇授儀同三司以在東恆思歸國恐以文才被留閉門卻埽無所交接時有文章尋卽棄毀不令流布嘗獨行至漢武通天臺爲表奏之陳己思鄉之意其夜夢至宮禁之所兵衛甚嚴炯便以情事陳訴聞有人言甚不惜放卿還幾時可至少日便與王克等竝獲東歸歷司農卿御史中丞陳武帝受禪加通直散騎常侍表求歸養詔不許文帝嗣位又表求去詔答曰當敕所司相迎尊累使卿公私無廢也初武帝嘗稱炯宜居王佐軍國大政多預謀謨文帝又重

其才欲寵貴之會王琳入寇東境帝欲使炯因是立功乃解中丞加明威將軍遣還鄉里收徒眾以疾卒於吳中

沈洙字宏道吳興武康人也祖休季梁餘杭令父山卿梁國子博士中散大夫洙少方雅好學不妄交游通三禮春秋左氏傳精識強記五經章句諸子史書問無不答仕梁爲尚書祠部郎時年二十餘大同中學者多涉獵文史不爲章句而洙獨積思經術吳郡朱昇會稽賀琛甚嘉之及昇琛於士林館講制旨義常使洙爲都講沈重字德厚吳興武康人也性聰悟專心儒學博覽羣書尤明詩及左氏春秋梁元帝之在藩也甚欽異之及



卽位遣何武迎重西上魏平江陵重留事後梁蕭譽累  
遷都官尚書重學業該博爲當世儒宗後周大象中來  
朝京師隋開皇二年卒贈開府儀同三司

姚察字伯審吳興武康人也吳太常卿信之九世孫也  
父僧坦梁太醫察幼有至性六歲誦書萬餘言不好戲  
弄勵精學業十二能屬文僧坦精醫術知名梁代二宮  
所得供賜皆回給察兄弟爲游學之資察竝用聚蓄圖  
書由是聞見日博年十三梁簡文帝時在東宮盛修文  
義卽引於宣猷堂聽講論難爲儒者所稱大建初補宣  
明殿學士尋爲通直散騎常侍報稱於周江左者舊先  
在關內者咸相傾慕沛國劉臻竊於公館訪漢書疑似

者事十餘條竝爲剖析皆有經據臻謂所親曰名下定  
無虛士著西聘道理記還補東宮學士遷尚書祠部侍  
郎舊魏王肅奏祀天地設宮懸之樂八州之舞爾後因  
循不革至梁武以爲事人禮縟事神禮簡古無宮懸之  
文陳初承用莫有損益宣帝欲設備樂付有司立儀以  
梁武爲非時碩學名儒朝端在位咸希旨注同察乃博  
引經籍獨違羣議據梁武爲是當時驚駭莫不慚服僕  
射徐陵因改同察議其不順時隨俗皆此類也後歷仁  
威淮南王平南建安王二府諮議參軍初梁室淪沒察  
父僧坦入長安察蔬食布衣不聽音樂至是凶問因聘  
使到江南時察母宮氏喪制適除後主以察羸瘠慮加



毀頽乃密遣中書舍人司馬申就宅發哀仍敕申專加  
譬抑察既累居憂職齋素日久因加氣疾後主嘗別召  
見爲之動容命停長齋令從晚食察自居顯要一不交  
通嘗有私門生不敢厚餉送南布一端花練一匹察謂  
曰吾所衣著止是麻布蒲練此物於我無用既欲相款  
幸不煩爾此人遂請察厲色驅出自是莫敢饋遺陳亡  
入隋詔授祕書丞別整成梁陳二史又敕於朱華國閣  
長參文帝知察蔬菲別日獨召入內殿賜果菜指謂朝  
臣曰聞姚察學行當今無比我平陳惟得此一人後母  
杜氏喪解職在服制之中有白鳩巢於戶上仁壽二年  
詔除員外散騎常侍晉王侍讀煬帝卽位授太子內舍

人及改易衣冠刪定朝式預參問對大業二年終於東  
都遺命薄葬以松板薄棺纔可容身土周於棺而已葬  
日止鹿車卽送厝瑩北不須立靈置一小牀每日設清  
水一杯祭日設齋食菜果任家有無不須別經營也察  
至孝有人倫鑒識冲虛謙遜不以所長矜人專志著書  
白首不倦所著漢書訓纂三十卷說林十卷建康二鍾  
等記各一卷文集二十卷所撰梁陳史雖未畢功隋開  
皇中文帝遣中書舍人虞世基索本且進臨亡戒子思  
廉撰續

沈顒梁典云武康人也隱居小山小山在武康之北徵  
散騎常侍不就弟顓亦有兄之風累徵不起時人嘉之



右梁人

胡穎字方秀吳興人也偉姿容性寬厚梁末除豫章內史陳武帝鎮京口齊遣郭元建出東關武帝令穎率府內驍勇隨侯瑱於東關大破之後從武帝襲王僧辯又隨周文育於吳興討杜龕武帝受禪兼左衛將軍天嘉元年除散騎常侍吳興太守卒官謚曰壯後二年配享武帝廟廷

沈君理字仲倫吳興人也美風儀博涉有識鑒陳武帝鎮南徐州君理致謁深見器重後爲吳郡太守以幹理見稱弟君高字季高少知名性剛直有吏能爲廣州刺史甚得人和弟叔邁亦方正有幹局位通直散騎常侍

章華字仲宗吳興人也好學善屬文後主時除大市令非其所好乃辭以疾後上書極諫書奏後主大怒斬之沈德威字懷遠少有操行以禮學自名梁太清末遜於天目山築室以居雖處亂離而篤學無倦天嘉元年召出都爲國子助教每自學還私室講授道俗受業數百人南史儒林傳沈德威以禮學自命吳興沈文阿王元規少從受業

錢道戢字子韜吳興長城人也父景深梁漢壽令道戢少以孝行著聞及長頗有材幹陳武帝微時以仲妹妻爲武帝輔政道戢隨文帝平張彪於會稽以功拜東徐州刺史永安縣侯天嘉元年爲臨海太守侯安都之討



留異道戢帥軍出松陽以斷其後異平以功拜都督衡州刺史領始興內史後與章昭達討歐陽紇紇平除左衛將軍大建二年又隨昭達征江陵以功加散騎常侍後爲都督郢州刺史與儀同黃法鄭攻下歷陽因以道戢鎮之卒官諡曰肅子逸嗣

章昭達字伯通吳興武康人也性倜儻輕財尙氣少時遇相者謂曰卿容貌甚善須小虧則當富貴梁大同中昭達爲東宮直後因醉墜馬鬢角小傷昭達喜之相者曰未也侯景之亂昭達率鄉人援臺城爲流矢所中眇其一目相者見之曰卿相善矣不久當富貴臺城陷昭達還鄉里與陳文帝游因結君臣分侯景平文帝爲吳

興太守昭達杖策來謁文帝見之大喜因委以持節恩寵超於儕等陳武帝謀討王僧辯令文帝還長城招聚兵眾以備杜龕頻使昭達往京口稟承計畫僧辯誅後杜龕遣其將杜泰來攻長城昭達因從文帝進軍吳興以討龕龕平又從討張彪於會稽剋之累功除定州刺史時留異擁眾據東陽武帝患之乃使昭達爲長山令居其心腹天嘉元年追論長城功封新樂縣侯尋隨侯安都拒王琳昭達乘平虜大艦中流而進先鋒發拍中賊艦王琳平昭達策勳第一二年除都督郢州刺史周迪據臨川反詔昭達便道征之迪敗走徵爲護軍將軍改封邵武縣侯四年陳寶應納周迪共寇臨川又以昭



達爲都督討迪迪走昭達乃踰嶺討陳寶應與戰不利因據上流爲筏施拍其上壞其水柵又出兵攻其步軍方大合戰會文帝遣余孝頃出自海道適至因并力攻之遂定閩中蓋揜留異寶應以功授鎮軍將軍開府儀同三司歐陽紇據嶺南反詔昭達都督眾軍征之紇聞昭達奄至乃出頓沂口聚沙石盛以草籠置於水柵之外用過舟鑑昭達居其上流裝艦追迫以臨賊柵又令人銜刀潛行水中以斫竹籠籠筏皆解因縱大艦突之大敗紇揜之送都廣州平進位司空大建二年征江陵時梁明帝與周軍大蓄舟艦於青泥中昭達分遣偏將錢道戢程文季乘輕舟焚之周又於峽口南岸築壘名

安蜀城於江上橫引大索編葦爲橋以廣軍糧昭達乃命軍士爲長戟施接船上仰割其索索斷糧絕因縱兵攻其城降之三年於軍中病薨贈大將軍昭達性嚴刻每奉命出征必晝夜倍道然其所剋必推功將帥廚膳飲食並同羣下將士亦以此附之每飲會必盛設女伎雜樂備羌胡之聲音律姿容竝一時之妙雖臨敵勿之廢也四年配享文帝廟廷

沈不害字孝和吳興武康人也幼孤而修立好學陳天嘉初除衡陽王府中記室參軍兼嘉德殿學士自梁季喪亂至是國學未立不害上書請崇建儒官帝優詔答之又表改定樂章詔使制三朝樂歌詞八首命二十四



行之樂府後爲國子博士領羽林監敕修五禮掌策文  
謚議等事大建中位光祿卿通直散騎常侍東尚書左  
丞卒不害通經術善屬文雖博綜經典而家無卷軸每  
製文操筆立成曾無尋檢汝南周弘正常稱之曰沈生  
可謂意聖人乎著五儀禮一百卷文集十四卷子志道  
右陳人自宋至陳四代之諸邑視晉無大更幸而  
人物視古爲盛其事跡見於史傳者亦繁旣已登  
載其他亦不出於五姓之系又附見著姓下今不  
別錄

沈光大業中帝伐遼召詣行在所光誓曰若不能建功  
立名當死於高麗尋與賊力戰拜朝請大夫後死於江

都之難時年二十八見統記

右隋人郡至隋而再廢諸縣分屬蘇杭等州其名  
者特四年爾人物牢落如此無足怪也

錢起唐史云吳興人與河中盧綸鄱陽吉中孚南陽韓  
翊廣平司空曙苗發崔峒耿緯夏侯審李端皆能詩齊  
名號大歷才子天寶中舉進士與郎士元俱有聲時語  
曰前有沈宋後有錢郎終考功郎以後事竝見唐史  
沈伯儀湖州吳興人武后時爲太子右諭德議郊祀配  
祀禮請以高祖配圜上方澤太宗配南北郊高宗配五  
天帝又元萬頃等議詩昊天章二后受之易薦上帝祖  
考有兼祀義高祖太宗旣光配五祀當如舊請奉高宗



歷配焉自是郊止三帝竝配焉云伯儀歷修文館學士  
續圖經曰唐書云湖州吳興人疑烏程爲縣史氏不書  
舊經載郡治烏程吳興兩縣但不得廢置之詳耳  
錢九隴字冰業湖州長城人父文彊爲吳明徹裨將與  
明徹俱敗彭城入隋以罪沒爲奴故九隴事唐公善騎  
射常備左右兵起以功授金紫光祿大夫從戰薛仁果  
劉武周累擢爲右武威將軍從平洛陽佐皇太子建成  
討劉黑闥魏州力戰破賊以功最封郟國公改巢國卒  
諡曰勇陪葬獻陵

徐齊暉字將道湖州長城人八歲能文太宗召試賜所  
佩金削刀舉弘文生調曹王府參軍累進西臺舍人咸

亨初詔突厥酋長子弟得待東宮齊暉上書諫以爲戲  
裘冒頓之裔解辯削衽使在左右非所謂恭慎威儀以  
近有德任官惟賢才左右惟其人之義又長孫無忌以  
纔死家廟毀棄齊暉言於帝曰齊獻公陛下外祖雖後  
嗣有罪不宜毀及先廟今周忠孝公廟反崇飾踰制恐  
非所以示海內帝寤有詔復獻公官以無忌孫延主其  
祀齊暉善文誥帝愛之令侍皇太子及諸王屬文子堅  
徐堅字元固幼有敏性沛王聞其名召見授紙爲賦異  
之十四而孤及壯寬厚長者舉秀才及第爲汾州三軍  
事聖歷東都留守楊再思王方慶共引爲判官方慶善  
於禮樂嘗就質疑晦堅爲申釋常得所未聞屬文典厚



再思每目爲鳳閣舍人樣與徐彥泊劉知幾張說修三教珠英時張昌宗李嶠總領彌年不下筆堅與說專意綜撰條彙初立諸儒因之乃成書累遷給事中封慈源縣子

中宗怒韋月將欲卽斬之堅奏盛夏生長請須秋乃決時申敘者亦眾得以榜死太平公主用事武攸暨屢邀請堅堅不許又以妻岑義女弟固辭機密轉太子詹事曰吾非求高逃禍耳義敗不染於惡元宗改麗正書院爲集賢院以堅充學士副張說知院事帝大酺集賢幔舍在百司上說令揭大榜以侈其寵堅見遽命撤之曰君子烏取多尙人從上泰山以參定儀典加光祿大夫堅於典故多所諳識凡七當撰次高選卒年

七十餘帝悼惜遣使就弔贈太子少保謚曰文子嶠

徐嶠字巨山開元中爲駕部員外郎集賢院直學士進中書舍人內供奉河南尹封慈源縣公父子相次爲學士自祖及孫三世爲中書舍人

孟郊字東野湖州武康人少隱嵩山性介少諧合韓愈一見爲忘形交年五十得進士第調溧陽尉縣有投金瀨平陵城林薄蒙翳下有積水郊聞往坐水旁裴回賦詩鄭餘慶爲東都留守署水陸運判官餘慶鎮興元奏爲參謀卒年六十四張籍謚曰貞曜先生郊爲詩有理致最爲愈所稱然思苦奇澀李觀亦論其詩曰高處在古無上平處下顧二謝云吳興詩有湖州敢解述請一



首  
沈傳師吳興統記云德清縣人貞元十九年進士及第  
二十年登制科儒學文藝爲一時冠圖經云吳興統與  
所載如此必有所本而唐史以爲蘇州吳人豈後所徙  
耶宋王文公作沈主簿墓表云武康之族類久至唐有  
旣濟者爲禮部員外郎生傳師爲尚書吏部侍郎當是  
時雖已割武康爲德清文公蓋推本言之證據必確史  
氏所傳不無誤也以後事並見統記

包融吳興人制舉擢第有才名官至集賢院學士融子  
何起居舍人佶刑部侍郎時有同郡萬齊融與會稽賀  
朝河內荆臣悉富才學名冠當時時謂包萬荆賀見統

記又云融烏程人唐書藝文志包融注云潤州延陵人  
亦如沈傳師唐書云吳人恐後所徙也

沈懷文吳興人舉孝廉爲休寧主簿丁母憂三年廬墓  
側手植松柏二千株每一號慟衆鳥爲之哀鳴翔集墓  
木山中舊多虎自此乃絕統記云唐人時又有沈嶠烏  
程人鄉舉秀才丁父憂六年廬墓不櫛不沐鹹酸不入  
口哭則歐血刺血書經年三十二歲有文集十卷又有  
沈景筠烏程人母懼雷及卒葬宅西每雷發則奔至墓  
所輒號哭云景筠在此賀知章爲撰孝德傳事見沈氏  
家譜又有于元損父母卒廬墓四十三年墳側生芝草  
九莖武后詔表門閭又有施廷皎安吉福鄉人自長壽



二年三代共居大歷六年敕旌表門閭闊七尺五寸高一丈二尺又有陳承堅年九歲大中三年母亡葬後廬墓所墳前生芝草三莖敕旌表門閭見統記  
沈綜吳興武康人年十四察孝廉上吏部尚書嚴挺之主銓衡書於廳壁時又有沈志廉年八歲誦尚書毛詩通大義年四十察孝廉官至大中大夫並見統記  
沈務本吳興人務本官至給事中子利賓利賓子志志子達四世進士及第又有沈希義進士及第性剛直嘗渡京口江船欲覆乃拔劍叱怒風爲之息又沈頌亦進士第又有沈如筠有正聲集詩三百首有日陰陽燕舊都美人花不如吏部侍郎盧藏用常諷誦之

沈孝澄吳興武康人學通九經官至國子博士子山之通禮傳訓詁官至校書郎山之子豪之通詩禮舉孝廉皆以儒術著名又有沈存誠貞觀中進士及第官至錢唐尉沈房大歷中進士及第官至監察御史沈待聘官至弘文館學士沈士弼東宮博士沈雅溧陽令沈大禮濮陽令沈庠監察御史沈徽偃師尉並以儒學著名  
褚沖吳興長城人學通禮易鄉貢明經授奉化簿辭官歸耕觀察使李栖筠表授國子助教賜緋清河房懲天水閣伯筠並師之  
沈徵先賢傳云沈法興之孫太子文學承家之子博學知古隱江口山峰孝弟力田累徵不起縣令韋承慶改



其所居爲茂德鄉  
沈長封沈氏家傳云長封吳興武康人唐鄉貢秀才歷  
婺州金華尉金華有亭松子澗者昔黃初平葛法劉凌  
等悉居是澗長封結茅種朮攜家隱居著道書數百卷  
卒

右唐人唐初爲縣四後又置德清三百年間人物  
見於史冊者反不逮昔蓋唐都長安東南人物之  
仕顯者率遷邇焉歲久而爲土著如姚思廉元宗  
吳太常卿時之後也譜系甚明唐史傳思廉云京  
兆萬年人元宗云陝州人此類眾矣宜其人物之  
寥落也仰惟我宋列聖相仍加意教育本郡人物

視古爲盛高宗龍渡駐蹕臨安實爲憑輔寓公益  
多聲華相望史不輟書而國史尊門疏遠不得而  
見鄉先生之行實愚陋未能盡知尙有俟於續編  
也







